

國醫萬病自療叢書

五官病

上海大眾書局印行

國醫

萬病自療
叢書

五官病

例言

- 一、本書文字淺顯。撰句簡潔。極便一般人士之閱讀。或醫士之參攷。
- 一、本書不侈高深。不論空理。在在以實能應用爲歸宿。一切詭異奇僻不近人情者。俱不錄入。
- 一、本書自目病始。至喉症病止。劃分爲六期。各以其所常病者選入。並非某一時期必患某一病症也。
- 一、本書每病先述病狀。使人人皆得見其病狀而追求其病因。更考其病因而施以治療。則方無不效。病無不除矣。
- 一、本書各病均有單方。蓋濟急於一時者也。根本治療。尙以參閱處方爲要。

編者識

國醫

萬病自
療叢書

五官病目次

一 目病——目病通論

A 目之研究

五輪

八廓

目圖

B 目病治療法

目赤

目痛

目癢

目淚

五輪	二
八廓	二
目圖	三
目赤	四
目痛	七
目癢	九
目淚	一〇

目昏花	一二
青盲	一四
雀目	一五
瞳神緊小	一七
瞳神散大	一七
眼眩赤爛	一八
外障	二〇
內障	二二
遠視	二四
近視	二五
目澀	二六
怕日羞明	二六
睛陷	二七

眼胞菌毒	二八
眼丹	三〇
鍼眼	三二
眼胞痰核	三四
椒瘡粟瘡	三五
泡眼瘡	三六
目中努肉	三七
產婦目昏	三九
老人昏目	四〇
目病雜治	四一
飛絲入目	四一
石灰入目	四一
泥沙入目	四二

飛塵入目

..... 四二

眼睛打傷

..... 四二

物傷睛突

..... 四二

目忽不見

..... 四二

瞳人反背

..... 四二

倒睫拳毛

..... 四三

眼生偷針

..... 四三

眼疾預防

..... 四三

洗眼藥水

..... 四三

耳病——耳病通論

A 耳病研究

耳之組織

..... 四四

五閉

..... 四五

B 耳病治療法

耳聾	四六
耳鳴	四九
耳痛	五〇
耳疔	五二
耳疳	五三
耳齧	五五
耳痔	五六
耳聾	五六
耳挺	五六
旋耳瘡	五七
耳病雜治	五八
耳癢	五八

凍耳成瘡

..... 五八

臭蟲入耳

..... 五八

螞蟻入耳

..... 五九

壁虎入耳

..... 五九

耳被挖傷

..... 五九

耳爛流膿

..... 五九

耳內濕瘡

..... 五九

鼻病——鼻病通論

A 鼻之研究

B 鼻病治療法

鼻塞

..... 六一

鼻淵

..... 六一

鼻赤

..... 六三

鼻疽	六四
鼻疔	六五
鼻蠱瘡	六六
鼻瘡	六七
鼻痔	六八
肺風粉刺	六九
■ 鼻病雜治	七〇
鼻血	七〇
鼻流清涕	七〇
四 口唇病——口唇病通論	
A 口唇之研究	
B 口唇病治療法	
口瘡	七二

鵝口瘡 七四

口糜 七五

■ 口病雜治 七六

唇疽 七七

繭唇 七八

唇風 八一

■ 唇病雜治 八二

唇菌 八二

唇裂 八二

唇腫 八二

唇疔 八二

五 舌齒病——舌齒病通論

A 舌齒之研究

B 齒舌病治療法

紫舌脹	八四
舌下痰包	八五
舌衄	八五
重耳	八七
舌上痰核	八八
重腭	八八
舌疔	八九
舌疔	八九
舌疔	九〇
舌病雜治	九三
木舌	九三
舌斷	九三
舌忽縮入	九四

舌皮碎裂

..... 九四

牙齦

..... 九四

牙宣

..... 九六

牙腫痛

..... 九九

蟲蝕牙痛

..... 一〇〇

鑽牙疳

..... 一〇一

牙疔

..... 一〇二

牙癰

..... 一〇三

走馬牙疳

..... 一〇四

齒齩

..... 一〇七

牙疽

..... 一〇八

■ 齒病雜治

..... 一〇九

睡中磨牙

..... 一〇九

除取痛牙……………一〇九

齒黃擦白……………一〇九

六 喉症病——喉症病通論

A 喉症之研究

喉症分經……………一一

四絕症……………一一

十六絕形……………一一

針穴……………一一

B 喉症病治療法

緊喉風……………一三

慢喉風……………一五

喉閉……………一六

弄舌喉風……………一九

喉疔	一二〇
喉癰	一二二
懸癰	一二四
鎖喉毒	一二五
喉瘤	一二七
喉痺	一二七
雙乳蛾	一三一
單乳蛾	一三三
喉病雜治	一三五
喉痛	一三五
喉痧	一三五
喉啞聲啞	一三六
魚骨鯁喉	一三六
預防喉症	一三六

國醫

萬病自
療叢書

五官病

茹十眉醫士編著

門人鄒廷楨恭校

一 目病

目病通論

目之病。肝之病也。蓋肝開竅於目。故目病爲肝之病也。內經曰。心開竅於舌。肺開竅於鼻。脾開竅於唇。肝開竅於目。腎開竅於耳也。假令目之病爲肝之病。自屬以柴胡。川芎。青皮疏肝。以防風。羌活。去風。何必羌防。以羌防爲太陽經風藥。諸掉眩皆屬肝木。故治目之藥皆風藥也。且目內眥爲足太陽。目銳眥爲手太陽。故必用太陽羌防也。菊花備五色。肝主色。故目病菊花爲首。藥有輕清歸上之意。草決明。其色青屬木。故能使目明也。木賊。能剋木磨水。能令光滑去翳者。亦類象也。又雲翳者。太陰濕土之氣。故蒼朮不可少也。人之首以象天。於卦爲乾金。故首之病。先清肺金。黃芩。枝子。桔梗。清肺火也。枳殼。陳皮。順肺氣也。是以治目病宜治其本。而不宜治其標也。



A 目之研究

五輪——八廓——眼圖


五輪

五輪者。烏珠屬肝。爲風輪。內經云。肝藏血。肝實而烏珠突起。肝虛則烏珠窪下。肝熱盛。則烏珠藍。肝受寒。則烏珠不圓。經絡屬心。爲血輪。內經曰。心生血。心熱則經絡紅赤。心爲七情所牽。則不能生血。晃晃無所見。紅絲在大小眥內。眼胞屬脾。爲土輪。脾胃受濕。則眼胞腫。內經曰。脾統血。脾氣過清。則不能統血。而夜不寐。目病作矣。脾主肌肉。故努肉侵睛。皆脾熱也。白珠屬肺。肺爲氣輪。內經曰。肺爲五臟華蓋。清氣所居也。主持一身。故爲氣輪也。脾熱則白珠紅。無非火乘金也。內經又云。諸氣贖鬱。皆屬肺金。故動氣亦能動目病也。瞳人屬腎。爲水輪。人之坐胎。光生兩瞳人。所謂天一生水之說也。故腎水虛。則目不明矣。腎實則甚明。腎稍熱。則目微昏而赤。此五輪之候也。


八廓

八廓者。胆之府爲山廓。又名清淨廓。大腸之腑爲天廓。又名傳送廓。膀胱之府爲澤廓。又名津液廓。肝之腑爲風廓。又名養化廓。腎之府爲水廓。又名會陰廓。命門之府爲火廓。又名抱陽廓。脾胃之府爲地廓。又名水穀廓。小腸府爲雷廓。又名關前廓。

目圖




圖一 目之在眶內



圖二 目之五臟



圖三 目之部位



圖四 目之部位

B 目病治療法

目赤——目痛——目癢——目淚——目昏花——青盲——雀目——瞳神緊小——瞳

神散大——眼弦赤爛——內障——外障——遠視——近視——目澀——怕日羞明——

睛陷——眼胞菌毒——眼丹——鉞眼——眼胞痰核——椒瘡粟瘡——漏睛瘡——
目中努肉——產婦目昏——老人目昏——飛絲入目——石灰入目——泥沙入目——
飛塵入目——眼睛打傷——目忽不見——瞳人反背——倒睫拳毛——眼生偷針——
眼疾預防——洗眼藥水

目赤

【病狀】或瘀血灌睛。或血灌瞳神。或色似胭脂。或赤脈貫睛。或赤絲亂脈。滿佈全眼。爲病最毒。初起不過紅赤。次則紫脹。及後則白珠皆脹起。血灌睛中。瘀塞不通。血灌睛神者。謂視瞳神不見其黑瑩。但見一點鮮紅。甚者現紫濁色。色似胭脂者。不論上下左右。但見一片。或一點紅血。儼似胭脂抹者是也。赤脈貫睛者。或一赤脈。或二三赤脈。不論粗細多少。但在一側氣輪上起。貫透風輪。經過瞳外。連接他側氣輪。此證最不易治。且難退而易發。赤絲亂脈者。或痛或不痛。或有淚。或無淚。或羞明。或不羞明。

【病因】此症或因目病已久。抑鬱不舒。或因目病。誤服寒涼之藥過多。或因目疾

時內多房勞。皆能致之。

【治療】目中赤脈如火。溜熱蒸入者。宜用黃連膏。風眩赤眼者。宜用銅青湯。血滯神瞳者。宜服通血丸。眼赤腫閉合者。宜服土硃膏。

一 黃連膏

川黃連八兩 片腦一錢

右以黃連去渣。刮去黑皮。洗淨。剉碎。以水三大碗。貯於銅鍋或磁器內煎。文武火熬。減大半碗。濾去滓。以滓復煎。濾淨。澄清。入薄磁器。盛放湯瓶口上。重湯蒸燉成膏。熬溶。再濾淨。候數日出火毒。臨時旋加片腦。以一錢爲率。酌量加之。以少許點眼大背內。

二 銅青湯

銅青(豆大) 防風(寸許) 杏仁(不去皮)二粒

右各細切。入盞中。新汲水浸。湯瓶上燉。令極熱洗之。如痛加當歸數片。

三 通血丸

赤芍藥 甘草各五錢 川芎 防風 荆芥 當歸各一兩

右爲末。煉蜜丸如彈子大。食後。荆芥薄荷湯嚼下。

四 土硃膏

土砂三分 石膏(煨)一分 片腦少許

右爲末。新汲水入蜜調敷眼眥頭尾及太陽穴。

五 單方

目赤癢痛。黃連少加明礬。人乳浸蒸。點角。(集效方)

火眼紅痛。五月取老瓜一條。上開小孔。去瓢。入芒硝令滿。懸陰處。待硝透出刮下。留點眼效。(肘後方)

目赤眦痛。龍膽草熬膏點之。(梅師方)

目熱赤痛。以田螺取汁。入鹽少許點之。(摘元方)

水洗生地黃。黑豆各二兩。搗膏。臥時以鹽湯洗目。閉目。以藥膏塗目上。至曉。水潤取下。(聖濟總錄)

黃連三分。黃柏一錢。白礬一錢。銅青一錢。以上藥用水煎濃。晴天露一夜。蘸扶眼睛。極效。(應驗良方)

風熱目赤。用車前子。川連各一兩。爲末。食後溫酒服一錢。每日二次。(聖惠方)

睡起目赤。用生地黃汁浸糯米半升。晒乾。三浸三晒。以米煮粥。日食一盞。數日卽愈。(醫餘錄)

赤絲亂目。用青魚胆汁和蜜敷目眦。(博濟方)

赤目失明。用玄精石火燬。石決明各一兩。蕤仁。黃連各二兩。羊肝七個。用竹刀切晒爲末。粟米飯丸梧子大。臥時茶服二十九。甚者一月見效。(朱氏集驗方)

目痛

【病狀】有白眵痛。有紅眼痛。或因天行赤熱。或緣暴風客熱。或由火脹大頭。或爲熱結膀胱。其他患大小雷頭風。左右偏頭風。遊風。邪風。巔頂風。卒腦風等症。亦能使目睛疼痛。患者自覺睛硬險疼。羞明畏風。甚者痛如針刺。淚簌簌下。

【病因】此病之原因至夥。其最要者不外七情內傷。五賊外攘。飢飽不節。勞役異常等數者。

【治療】肝有實熱。目刺痛如刺者。宜用梔子仁煎。目痛羞明畏日。隱澀難開者。宜用碧玉散。睛痛熱淚如雨者。宜用散血膏。無淚而睛珠痛不可忍者。宜服當歸養榮湯。

一 梔子仁煎

梔子仁 決明子 蕤仁 車前葉 秦皮各一兩六錢 石膏一兩(碎如豆) 苦竹葉 細辛半兩
赤蜜三鍾

右九味。剉碎。以井華水三大碗。煮取七合。去滓。下蜜。更煎去四合。以錦濾之。乾器貯。密封。勿使草芥落中。仰臥。以藥汁細細數目中。

二 碧玉散

躑躅花 腦薄荷 羌活 川芎 細辛 防風 荆芥 蔓荊子 白芷各一錢 風化硝 青黛

石膏(煨) 川黃連各三錢 鵝不食草三兩
右爲細末。吹鼻中。一日二次。

三 散血膏

紫金皮 白芷 大黃 薑黃 南星 大柏皮 赤小豆 寒水石各等分
右爲細末。生地黃汁調成膏。敷眼四圍。

四 當歸養榮湯

防風 白芷各七分五厘 白芍藥 熟地黃 當歸 川芎各一錢 羌活七分五厘
右作一服。水二盞。煎至一盞。去滓。食後熱服。

五 單方

肝熱目痛。用夏枯草二兩炒。香附二兩。醋炒。生甘草四錢炒。共爲末。每服錢半。清茶調下。數日即愈。
屢試如神。夜間痛甚者更效。（觀音夢授方）

豬肝一儷。薄切。水洗淨。以五味食之。（食醫心鏡）

夜用鹽收豆腐片貼之愈。（證治要訣）

目痛累年者。用生螺取汁洗之。或入黃連末在內。取汁點之。（陳藏器本草）

目 癢

【病狀】輕者癢猶可耐。劇甚則竟若蟲行。奇癢難當。時發時愈。癢一次。病重一次。
亦因癢而多淚者。

【病因】此由風火。或血虛氣動之故。

【治療】因風火而赤癢者。宜用杏仁龍胆草泡散。風淚澀癢者。宜用乳汁煎點些。

中。

一 杏仁龍胆草泡散

龍胆草 當歸尾 滑石末 赤芍藥 杏仁各一錢(去皮尖)

右以白沸湯泡。頓蘸洗。冷熱任意。不拘時候。

二 乳汁煎

人乳一大碗 黃連七錢半(去鬚研取末) 蕤仁一兩(研爛) 乾薑二錢半(炮爲末)

右除乳外。再同研極細。以乳漬一宿。明旦納銅器中。微火煎取十分之三。綿濾去滓。每以黍米大點眼中。

目淚

【病狀】有迎風冷淚。有迎風熱淚。有無時冷淚。有無時熱淚。諸般症候。非止一種。總之無故而流淚是也。

【病因】風衝於內。火發於外。風熱相縛。由是淚出。

【治療】睛痛而熱淚如雨者。宜塗散血膏。眼昏而淚颼癢者。宜服菩薩散。淚而不

止者。宜服當歸飲子。以求本治。

一 散血膏

紫金皮 白芷 大黃 薑黃 南星 大柏皮 赤小豆 寒水石
右爲細末。生地黃汁調成膏。敷眼四圍。

二 菩薩散

蒼朮 防風 蒺藜各二兩(炒) 荆芥二兩半 甘草七錢半(鹽水炒)
右爲末。每服一錢。入鹽少許。或湯調下。

三 當歸飲子

滑石半兩 當歸 大黃 柴胡 人參 黃芩 甘草 芍藥各一兩
右剉細。每服三錢至五錢。水一盞。生薑三片。同煎七分。去滓溫服。

四 單方

目昏多淚。用生地。熟地。川椒(去子閉口者不用)。各等分爲末。蜜丸梧子大。每服五十九。鹽米湯空心下。(呂仙方)

風眼下淚。用木耳一兩。燒存性。木賊一兩。爲末。每服二錢。以清米泔水煎服。(惠濟方)
冷淚。用香附。蒼朮。椒目末。吹鼻中。(驗方)

目昏花

【病狀】或睛黃視眇。或乾澀昏花。或螢星滿目。或起坐生華。睛黃視眇者。爲好酒。嗜食濕熱燥膩者。常有此證。乾澀昏花者。自覺兩目不潤而視物昏花也。螢星滿目者。自見目前有無數細星。死如螢火。起伏撩亂。甚若燈光慧星之狀。起坐生華者。其人內外別無症候。但動作少過。起坐少頻。或久坐久立。久眠久視。便覺頭眩目花。昏暈異常。

【病因】有因目病漸發。痛損經絡。血液澀少。光華虧耗而昏。有因目病。治失其中。熱寒過傷。或開導針烙炮灸失當。耗其目光而昏。此外尚有種種原因。如六慾。七情。五味。四氣。瞻視。哭泣等是也。

【治療】眼目昏暗者。肝不足也。宜服補肝丸。眼見黑花。或作蠅翅者。肝腎俱虛也。宜服羚羊羌活湯。其昏花視物不明者。用爐甘石膏點洗可也。

一 補肝丸

菟藟子 青箱子 枸杞子 五味子 決明子 杏仁 伏苓各一兩 地黃三兩 菟絲子二兩
山藥 車前子 地骨皮(焙) 柏子仁 大黃 黃芩 黃連 人參 細辛 防風 甘草(炙)
各一兩半

右爲細末。煉蜜丸。桐子大。每服二十九。加至三十九。食後米飲下。

二 羚羊羌活湯

羚羊角(屑) 羌活 黃芩 附子(去皮臍) 人參 澤瀉 秦芫 山茱臾 車前子 決明子
(微炒) 青箱子 柴胡各兩半 黃芪二兩 甘草一兩(炙)
右剉每服五錢。水一盞半。煎至八分。去滓。不拘時溫服。日再。

三 爐甘石膏

爐甘石 代赭石 黃丹各一兩 冬蜜八兩 訶子二枚(取末) 槐柳枝各四十九條
右爲細末。入黃連末再碾。至千萬餘下。乃以蜜煉。去白沫。入末同熬成膏。槐柳條攪不住手。濾淨。入後
膏子和劑。黃連一兩(研末銅鍋水熬成膏。濾淨淨)。

右入前蜜藥。磁碗盛。放湯瓶口上蒸燉成膏。槐柳枝一順攪不住手。互換枝條攪盡。濾淨出火毒點眼。又以熱湯化泡洗眼。

四 單方

眼目昏花。用黑豆一升。枸杞子四兩。同煮。晒乾爲丸。每晨。空腹服三錢。鹽湯送下。(驗方)

青盲

【病狀】瞳神不大不小。無缺無損。氣色亦與康健人無異。祇不能見物耳。

【病因】由傷於七情。或精血不足。肝虛所致。

【治療】初起時眼見黑花。澀痛。昏暗漸變青盲。宜服麩仁丸。已成青盲者。可服轉光丸。

一 麩仁丸

麩仁丸(去皮) 地膚子 細辛 地骨皮 人參 石決明(洗淨別搗羅) 白茯苓 白朮各二兩 熟地黃(焙) 楮實各三兩 空青(另研) 防風各一兩半 青羊胆一枚 石胆半兩(研爲粉) 鯉魚胆五枚

右爲細末研勻。以胆汁同煉蜜攪和。丸如桐子大。每服二十九。食後米飲送下。

二 轉光丸

生地黃 白茯苓 川芎 蔓荊子 熟地黃 防風 山藥 白菊花 細辛各等分

右爲末。煉蜜丸。如桐子大。每服二十九。食後米飲送下。

三 單方

白羊肝一具。黃連一兩。熟地黃二兩。同搗丸。桐子大。食遠。茶服七十九。日三服。（衛生易簡方）

夜明砂糯米炒。黃柏葉炙各一兩。爲末。羊胆汁丸。桐子大。每臥時。竹葉湯下二十九。瘥乃止。（東觀祕記）

病後青盲。日近者可治。仙靈脾一兩。淡豆豉百粒。水一碗半。煎一碗。服愈。（明目方）

雀目

【病狀】日間視物。清明如常。入暮則暗。儼似雀目。且則復明。故有雀目。鷄盲等名。

【病因】此症又稱高風內障。及因肝虛血少。遂致瞶而不明。

【治療】宜內服夜明丸。瀉肺飲。或用蛤粉丸薰食之。

一 夜明湯

夜明沙 木賊(去節) 防風 田螺殼 青木香 細辛各等分

右爲末。爛煮豬肝。用上藥於淨沙盆內。研令極勻。丸如桐子大。每服三十九。米飲或酒吞下。

二 瀉肺飲

防風 黃芩 桔梗(炒) 芍藥 大黃(炒)各一兩

右剉碎。每服三錢。水一盞半。煎至一盞。入芒硝半時。去滓。放溫。食後。臨臥服。

三 蛤粉丸

蛤粉(細研) 黃臘等分

右鎔蠟搜粉。爲丸如棗大。每用豬肝一片。約二兩許。批開。裹藥一丸。麻線纏入罐內。水一碗煮熟。熱薰目。至溫食肝。以愈爲度。

四 單方

石膏末一錢。豬肝一片。批薄。摻藥在上。縛定。砂鍋煮熟。切片食之。(明目方)

黃臘不拘多少。溶汁取出。入蛤粉相和得宜。每用二錢。以豬肝二兩。用羊肝更妙。批開。摻藥在內。麻繩

紫定。水一碗。同入銅器內煮熟。取出。乘熱薰眼。以愈爲度。（應驗良方）

■ 瞳神緊小

【病狀】瞳子漸漸細小如簪脚。甚則小如菜子許。又有神水外圍。似蟲蝕然。皆能覩而不昏。但微覺眊燥羞澀。

【病因】大都因縱慾好色。雖病目亦不忌淫慾。並勞傷血氣等而致。

【治療】宜服抑陽酒連散治之。甚效。

抑陽酒連散

蔓荊子 前胡 羌活 白芷 甘草各四分 黃芩（酒製） 梔子 寒水石 黃連（酒製）各五分
防己 生地 獨活 黃蘗 防風 知母各三分

右作一服。水二盞。煎至一盞。去滓。大熱服。

■ 瞳神散大

【病狀】雖亦能視物。然瞳神散大。遲則成終身不治之疾。

【病因】此病之得。由於頭風痛攻之害者。十居八九。

【治療】宜服瞳神散大方。兔絲丸亦可常服以促早效。

一 瞳神散大方

熟地二錢 歸身一錢 白芍(酒炒)一錢 車前八分 川芎八分 兔絲一錢 菊花 青箱各八分 五味九粒

右水煎服。如覺口乾頭昏者。加生地一錢。頭不昏者。無相火者。加枸杞子一錢。

二 兔絲子丸

望月砂一兩(割麥後田中取者方可用) 木賊七錢 蟬退七錢 防風五錢 黃芩五錢 車前子七錢

右共爲細末。用荊芥兩半煎湯爲丸。空心開水服三錢。

眼弦赤爛

【病狀】眼弦因膿潰而腫。中生細小蟲絲。年久不愈。且多發癢。

【病因】此症多因風蘊熱毒而成。若遲治。目瞳亦爛。則謂之赤睛。

【治療】宜擇用銅青湯或熏洗方皆見效。

一 銅青湯

銅青(豆大) 防風(寸許) 杏仁二粒(去尖不去皮)
右各細切。盪中新汲水浸。湯瓶上令燉極熱洗之。如痛。可加當歸數片。

二 熏洗方

川黃連(去毛) 川芎(去蘆) 荊芥穗各一錢半 蔓荊子一錢(去膜) 五倍子三錢(剪碎去垢。銚內火炒。待赤色。鋪紙地上。用蓋片時出火氣。)

右剉碎。作三服。每服用生絹一小方。洗淨。入藥絹內。以線紮定。水煎。仍以紙糊瓶口。勿令出氣。乃於無風處。就瓶口紙上破小孔。向眼熏之。候氣稍平。揭去紙。就瓶口熏之。氣溫。傾藥水出。用淨絹蘸洗。如此三次爲驗。仍避風毒。

三 單方

雄猪油煉淨一兩。川椒去核開口者三錢。入油內熬枯。去淨渣滓。以銅綠五錢。研細末。入油。和成膏。臨睡時。敷眼邊周圍。次早洗去。數次愈。(應驗良方)
白礬煨過一兩。銅青三錢。研末。開水泡。澄清。點洗。(永類鈴方)

外障

【病狀】目生翳膜。或如雲霧。或如絲縷。如秤星。在睛外遮暗。膜則以色別之。曰黃膜。赤膜。翳與障則以形別之。曰凝脂翳。斑脂翳。陰陽翳。劍脊翳。冰瑕翳。花翳。障則曰聚開障。聚星障。垂簾障。逆順障。水晶障。魚鱗障。此外尚有銀星。玉粒。蟹青。連珠諸症。輕重不一。吉凶各異。

【病因】或因風熱上壅。上下胞努。肉瞤。磨蕩其睛。久之。翳。或因服食涼藥過多。脾胃受傷。生氣不能上升所致。

【治療】一切障翳。皆可外用陽丹及陰丹點之。內服石決明散。

一 陽丹

黃連 黃蘗各一兩 生大黃 黃芩 防風 龍胆各五錢 當歸 連翹 羌活 梔子 白菊
花 生地黃 赤芍 苦參各三錢 蒼朮 麻黃 川芎 白芷 細辛 千里光 龍腦 薄荷
荆芥 木賊各一錢半

右藥。以井水洗淨。剉碎。以井水漫銅器內。春三。夏二。秋四。冬五日。曬。常將手挪出藥味。晒出藥力。熟絹

濾淨。留清汁一盞以飛藥。留濁汁三碗以滓藥。然後用鎔銅鍋子一個。裝打碎甘石一斤在內。新瓦蓋上。松炭固濟。燒令透。極紅色。鉗出少時。淬入藥汁內。煨淬三次。就將留下清汁飛細。碾令千萬餘下。澄清去濁。晒乾再碾。令無聲爲度。細絹重濾過。磁器收藏。聽用。入後藥。

爐甘石一錢 麝香三厘 片腦一分

右爲細末。次入片腦碾嫩熟。絹濾過。磁器收藏。點眼。如有翳膜。配合陰丹。

二 陰丹

蜜陀僧二分半 爐甘石一兩 銅青一錢九分 礪砂六分二厘半 沒藥二分 青鹽 乳香各

三分七厘半 熊胆一分二厘半

右八味。用黃連五錢。龍胆草二錢半。煎汁濾淨。將前藥和一處。入汁碾細曬乾。再碾極細。後入。

白丁香 螺硝 白礬(生) 輕粉各一分七厘半 礪砂二分半 雄黃 牙硝 黃丹 血竭

硃砂各一分二厘半 鉛白霜 粉霜 鷹嘴 胆礬各七厘半

右各另製細末。依方秤合。和勻。研令無聲。至千萬餘下。磁器收貯聽用。

三 石決明散

石決明(煨) 枸杞子 木賊 荊芥 晚桑葉 殺精草 粉草 金沸草 蛇蛻 蒼朮 白菊
花各等分

右爲末。每服二錢。茶清調。食後服。

內障

【病狀】內障之眼。小皆有白翳。大皆亦微顯白翳。腦痛。瞳子散大上翻。惡熱。大便
澀。小便如常。遇暖熱處。頭痛暗脹。能食。日沒後天陰暗則昏。若欲詳其種
類。則有青風。綠風。黃風。黑風。烏風。銀風。絲風等內障。又有圓翳。冰翳。滑翳。
澀翳。散翳。浮沉翳。橫偃月翳。黑水凝翳等之別。

【病因】飲食不節。勞傷形體。脾胃不足。皆爲致病之原因。

【治療】各種內障。均可服黃芩黃連湯。復明散。或神仙碧霞丹以取效。

一 黃芩黃連湯

黃芩(酒洗炒) 生地黃(酒洗) 龍胆草各一兩(酒洗四次) 黃連七錢(去鬚酒洗炒)

右對碎。每服二錢水。二盞煎。數沸去滓。再煎至一盞熱。服午。後晚間俱不可服。惟午飯時服之方效。

一 復明散

黃芪一錢半 生地黃 柴胡 連翹 甘草(炙)各一錢 當歸二錢 蒼朮 川芎 陳皮各五分 黃蘗三分

右以水兩大盞。煎至一盞。去渣。稍熱服。食後。忌酒麵辛辣之物。

三 神仙碧霞丹

常歸 沒藥各二錢 血竭 白丁香 硼砂 片腦 麝香各一錢 馬牙硝 乳香各半錢 黃連三錢 銅綠一兩半爲衣

右爲細末。熬黃連膏。和丸如雞頭實大。每用新汲水半盞。於磁盒內浸。常用。

四 單方

白翳。用不落水猪苦胆一個。以小刀剖開。取出苦水。棄去胆囊。將苦水置於銅杓內。向炭爐上煎令乾。卽爲小丸如菜子大。候冷。納入目中。遇熱仍化爲水。能去翳障。乾夕各納二丸。九盞卽愈。神效無比。(銀海精微)

赤翳。用枸杞搗汁。日點眼內三五次。(肘後方)

花翳。用刀刮指甲細末。和乳點之。其翳自消。(瀝湖集簡方)

星翳。用白鹽少許。燈心蘸點三五次。不痛不礙。屢用有效。(宣明眼科)

遠年目障。用鵝不食草。川芎。青黛各等分。爲末。搐鼻取嚏。(雀知悌方)

內外障翳。用麻黃根一兩。當歸身一錢。同炒黑色。入麝香爲末。時時嚙鼻。(普濟方)

病後生翳者。用白菊花。蟬退。等分爲散。每用二三錢。入蜜少許。水煎服驗。(龍本論)

遠視

【病狀】目能遠視而不能近視。

【病因】此爲心火無病。而腎水虛乏也。蓋心在天爲日。於卦爲離。主離明普照。心血完固。故能遠視。腎水於目爲月光星光之明。故腎虛不能近視也。年老人多有之。

【治療】治宜滋陰。服地黃丸可愈。

地黃丸

熟地四兩 菊花三兩 山藥 茯苓 山萸各二兩 丹皮兩半 澤瀉五錢 黃柏一兩 知母

一兩 決明 楮實 蒺藜 枸杞 青箱 兔絲各一兩

右共爲細末。煉蜜爲丸。每晚服三五錢。白水送下。

近視

【病狀】目祇能近視而不能遠視。

【病因】此真水完固。而心血虧損也。蓋因謀慮不遂。以致真血耗散。心神大虛。故光不能遠及也。

【治療】治宜補心安神。而自愈矣。可服天王補心丹。其有生成卽近視者。又非醫藥所能及也。

天王補心丹

菊花 決明 木賊 蒼朮 蒺藜 元參 丹參 人參各五錢 茯苓一兩 遠志三錢（甘草水煮去皮） 桔梗五錢 五味三錢 天冬 麥冬 歸身各一兩 柏子仁一兩 棗仁 生地 一兩

右共爲細末。煉蜜爲丸。每晚服三五錢。白水送下。

目澀

【病狀】目澀不能開。與羞明怕日異。

【病因】此肝之虛。而肺之所乘也。蓋諸澀枯渴。皆屬肺金。內經曰。肺主悲。悲哭太過。則金不能生水。而枯澀矣。肝藏血。血有餘則目潤而明。肝虛則血少而目澀矣。

【治療】宜用補肝四物湯以益其血。加天冬。麥冬。枳殼。桔梗以扶其肺。則自愈矣。

補肝四物湯

菊花 決明 木賊各五分 蒺藜五分 當歸 川芎 白芍 熟地各一錢 黃柏 知母 柴

胡 薄荷 青皮各五分 黃芩 梔子 桔梗 陳皮各四分

右用水煎。作一劑服。

怕日羞明

【病狀】怕日羞明。不腫。不紅。不痛。

【病因】此心血之虛也。蓋心爲少陰君火。人身之眞火也。日爲太陽。天之眞火也。

惟人之眞火完固。與天之眞火相遇。則甚適而甚樂。心血既虛。則不敢見天之眞火。而羞明怕日之患作矣。

【治療】治宜益心之神。補心之血。明目。疏肝。清肺。下方主之。

一 主方

茯神 棗仁各一錢 遠志三分 當歸三分 生地一錢 川芎五分 白芍七分 黃連 天冬 麥冬 菊花 決明 柴胡 薄荷 青皮 黃芩 梔子 桔梗 枳殼 陳皮各五分
右水煎。作一劑服。

二 單方

用石決明。黃菊花。甘草各一錢。水煎。冷服。

■ 睛陷

【病狀】目睛瞳人內陷。此俗名陷睛翳也。

【病因】此乃腎水絕也。蓋腎爲眞水。漉漉又爲腎水虛。腎主二便。李梃藥賦云。漉瀉無定。多因眞水。又旺。今人不知補腎。但用豬澤之類。過損眞陰。是以腎

虧不目。睛瞳人內陷也。

【治療】治宜六味地黃丸去澤瀉。加黃柏。知母。楮實。枸杞而自愈矣。凡未經用滲利而下陷者。仍當用清心清腎而目自平矣。

一 腎氣地黃丸

熟地四兩 山藥二兩 茯苓二兩 山萸二兩 丹皮二兩(炒) 澤瀉五錢 黃柏一兩 知母一兩 楮實二兩 枸杞二兩 蒺藜二兩(炒) 蔓荊子一兩
右共爲細末。煉蜜爲丸。每服三錢。白水送下。晚服。

二 清心腎方

菊花 決明 木賊 蒺藜各五分 黃連 麥冬 黃柏各五分 知母五分 柴胡 薄荷 川芎 青皮各五分(右目倍用之) 黃芩 梔子 桔梗 枳殼 陳皮各五分(左目倍用之) 大黃一分
右水煎。晚服。睡。

□ 眼胞菌毒

【病狀】此證生於上下眼胞睫邊。初如菌形。頭大蒂小。黃亮水胞。或有頭小蒂大者。漸長垂出。堅凝不痛。有纏綿經年不愈者。以致目病。

【病因】此因眼胞屬脾。其經素有濕熱。思鬱氣結而生也。

【治療】初起宜用清涼丸洗。即消。有經年皮厚。消之不應者。法當用軟綿紙蘸水潤眼皮菌毒處。少頃。用左手大指甲墊於患根。右手持鉞針尖頭齊根切下。血出不妨。即用翠雲錠磨濃塗之。其血即止。內服涼膈清脾飲。忌海腥煎炒。

一 清涼丸

當歸尾 石菖蒲 赤芍藥各二錢 川黃連(生) 地膚子 杏仁各一錢(生) 羌活五分 胆礬二分

右共研粗末。以大紅綢包之。大如櫻桃。甜滾水浸泡。乘熱蘸洗。勿見塵土。

一一 翠雲錠子

杭粉五兩 銅綠 黃連各一兩 輕粉一錢

右爲細末。用糯米百粒。水一盃。煎半盃去米。再煎至三分。和藥作錠。陰乾。用時水磨令濃。以雞翎蘸搽患處。

三 涼膈清脾飲

生地黄 連翹(去心) 梔子(生研) 薄荷 荆芥 防風 石膏(煨) 黃芩 赤芍各一錢
甘草(生)五分

水二鍾。燈心二十根。煎八分。食遠服。

眼丹

【病狀】眼胞上下紅腫疼痛。或腫輭下垂。不能視物。或嫩紅色紫。堅硬不垂。

【病因】此證由脾胃濕熱受風而成。其輭垂者。偏於風盛也。浮腫易消。堅硬者。偏於熱盛也。腫硬難消。

【治療】初起俱宜用荆防敗毒散。以散其風。口渴便燥者。用內疏黃連湯。以瀉其熱。有日久消之不應者。宜服透膿散。腫用如意金黃散洗之。潰用琥珀膏。或白膏藥貼之。

一 荆防敗毒散

荆芥 防風 羌活 獨活 前胡 柴胡 桔梗 川芎 枳殼(麩炒) 茯苓各一錢 人參 甘草各五分

右薑三片。水二鍾。煎八分。食遠服。

二 內疏黃連湯

山梔一錢 白芍一錢(炒) 木香一錢 檳榔一錢 連翹一錢 薄荷一錢 甘草五分 黃芩 一錢 黃連一錢 桔梗一錢 大黃二錢 當歸一錢

右水二鍾。煎八分。食前服。加蜜二匙亦可。

三 如意金黃散

南星 陳皮 蒼朮各二兩 黃蘗五兩 薑黃五兩 甘草二兩 白芷五兩 上白天花粉十兩 厚朴二兩 大黃五兩

右十味。共爲咀片。晒乾。磨三次。用細絹羅篩。貯磁罐。勿令洩氣。用茶清同蜜調敷。

四 透膿散

生黃耆四錢 穿山甲一錢 川芎三錢 當歸二錢 皂角刺一錢半
右五味。水三鍾。煎一鍾。先飲酒一小杯。後服藥。

五 琥珀膏

定粉一兩 血餘八錢 輕粉四錢 銀硃七錢 花椒十四粒 黃蠟四兩 琥珀(末)五分 麻油十二兩

將血餘。花椒。麻油。燻焦。撈去渣。下黃蠟。溶化盡。用夏布濾淨。傾入磁碗內。預將定粉。銀硃。輕粉。琥珀。四味。各極細。共合一處。徐徐下入油內。用柳枝不時攪之。以冷爲度。紅綿紙攤貼。

六 白膏藥

淨巴豆肉十二兩 蓖麻子(去壳)十二兩 香油三斤 蝦蟆五個(各啣人髮一團)
先將巴豆肉。蓖麻子入油內浸三日。再將蝦蟆浸一宿。臨熬時。入活鯽魚其燻焦。去渣淨。慢火熬油。滴水成珠。離火傾於淨鍋內。再加官粉二斤半。乳香末五錢。不時攪之。冷定爲度。用時重湯炖化。薄紙攤貼。

■ 鍼眼

【病狀】此證生於眼皮毛睫間。形如豆粒。有尖。或色赤多痛。

【病因】由脾經風熱而成。

【治療】初起輕者。宜用如意金黃散鹽湯沖洗。膿不成。即消矣。風熱甚者。色赤多痛。洗之不消。膿已成也。候熟針破之。貼黃連膏。亦有破後邪風侵入。令人頭目浮腫。目赤澀痛者。外仍用如意金黃散洗之。內服芎皮散即愈。

一 如意金黃散

南星 陳皮 蒼朮各三兩 黃蘗五兩 薑黃五兩 甘草二兩 白芷五兩 上白天花粉十兩
厚朴二兩 大黃五兩

右十味。共爲咀片。晒乾。磨三次。用細絹羅篩。貯磁罐。勿令洩氣。候用。

二 黃連膏

黃連三錢 當歸尾五錢 生地一兩 黃蘗三錢 薑黃三錢 香油十二兩。將藥燻枯。撈去渣。下黃蠟四兩。溶化盡。用夏布將油濾淨。傾入磁盤內。以柳枝不時攪之。候凝爲度。

三 芎皮散

川芎二兩 青皮一兩

共爲末。每服二錢。菊花泡湯調服。

眼泡疾核

【病狀】此證結於上下眼胞皮裏肉外。其形大者如棗。小者如豆。推之移動。皮色如常。硬腫不痛。

【病因】由濕痰氣鬱而成。

【治療】宜服化堅二陳丸。外用生南星蘸醋磨濃。頻塗眼皮。日數淺者卽消。日數深者雖不能卽消。常塗令皮薄。微微撥損。以手指甲擠出如白粉汁。卽消。貼貝葉膏收口。從眼皮裏潰破者。難斂。

一 化堅二陳丸

陳皮 半夏(製)各一錢 白殭蠶(炒)二兩 白茯苓一兩五錢 生甘草二錢 川黃連三錢
右共研細末。荷葉熬湯。合丸如梧桐子大。每服二錢。白滾水送下。

二 貝葉膏

麻油一斤 血餘鷄子大一個 白蠟二兩

右將血餘以文火燻化。去渣下火。入白蠟溶化。候溫。用綿紙剪塊三張。張張於油蠟內蘸之。貼於磁器幫上。用時揭單張貼患處。日換八九次。

椒瘡粟瘡

【病狀】此二症生於眼胞之裏。粟瘡色黃形軟。其症易愈。椒瘡色赤形硬。其瘡難消。

【病因】二症皆因脾胃血熱所致。然粟瘡則偏於濕盛。椒瘡則偏於熱盛。

【治療】二症俱宜服清脾涼血湯。外以清涼丸洗之。若眼皮裏有紅絲堆纍者。乃血熱有瘀也。法以燈草刮瘡處。令血出即愈。

一 清脾涼血湯

荊芥 防風 赤芍 黑參 陳皮 蟬退 蒼朮(炒) 白鮮皮各一錢 連翹(去心) 生大黃
(酒洗)各一錢五分 厚朴(薑炒) 甘草(生)各五分 竹葉三十片。水煎。食遠服。

二 清涼丸

常歸尾 石菖蒲 赤芍藥各二錢 川黃連(生) 地膚子 杏仁(生)各一錢 羌活五分 胆
礬二分

共研粗末。以大紅綢包之。大如櫻桃。甜滾水浸泡。乘熱浸洗。勿見塵土。

睛漏瘡

【病狀】此症生於目大眦。初起如豆如棗。紅腫疼痛。瘡勢雖小。根源甚深。破潰出
粘白膿者。順出青黑膿。或如膏者。險。

【病因】由肝熱風濕。病發太陽膀胱經睛明穴。其穴之處。係藏淚之所。

【治療】初起宜服疏風清肝湯。潰後用黃靈藥搽入瘡口。兼貼萬應膏。其口漸漸
收斂。有膿從大眦內出者。成漏難斂。亦有瘡口過出淚液。以致目內乾澀
者。收更遲。若潰斷眼邊弦者不治。

一 疏風清肝湯

常歸尾 赤芍 荆芥穗 防風 川芎 菊花 生梔子 薄荷各一錢 柴胡 連翹(去心)各
一錢五分 金銀花二錢 生甘草五分

右用燈心五十寸。水煎。食遠服。

二 黃靈藥

食鹽五錢 黑鉛六錢 枯白礬 枯皂礬 水銀 火硝各二兩 明雄黃五錢
先將鹽、鉛溶化。入水銀結成砂子。再入二礬火硝同炒乾。研細。入鉛汞再研。以不見星爲度。入罐內泥固濟封口。打三炷香。不可大過不及。一宿取出視之。其白如雪。拌入明雄黃末五錢。

三 萬應膏

川烏 草烏 生地 白斂 白芨 象皮 官桂 白芷 當歸 赤芍 羌活 苦參 土木鱉
穿山甲 烏藥 甘草 獨活 元參 定粉 大黃各五錢
右十九味。定粉在外。用淨香油五斤。將藥浸入油內。春夏三。秋七。冬十。候日數已足。入潔淨大鍋內。慢火熬至藥枯。浮起爲定。住火片時。用布袋濾去渣。將油稱準。每油一斤。對定粉半斤。用桃柳枝不時攪之。以黑如漆亮如鏡滴入水內成珠爲度。薄紙攤貼。

目 中 努 肉

【病狀】此證生於目兩眦。瘀肉努出。時覺疼痛。

【病因】總屬心火所成。然火有虛實。如大眚紅肉色深紅者。心經實火也。小眚紅

眚紅絲色淡紅者。心經虛火也。

【治療】心經實火宜服黑參湯。心經虛火宜服決明散。外俱用清涼丸泡洗。日久

自愈。

一 黑參湯

黑參 苦參 梔子(研) 菊花 黃連 枳殼(麩炒) 草決明 車前子 防風 大黃(炒)

升麻各二錢

右水煎。食後服。

二 決明散

玉竹 黃連 枳殼(麩炒) 川芎 甘草(生) 羚羊角各一兩 磅 車前子 青箱子 草決明

各五錢

共研細末。每服三錢。食後服。臥時再用一服。

三 清涼丸

當歸尾 石菖蒲 赤芍藥各二錢 川黃連(生) 地膚子 杏仁(生)各一錢 羌活五分 胆
礬二分

共研粗末。以大紅綢包之。大如櫻桃。甜滾水浸泡。乘熱蘸洗。勿見塵土。

產婦目昏

【病狀】婦人產後。目睛昏花不明。或有兩目紅熱腫疼而昏。

【病因】此由血之虛也。蓋肝得血而能視。故知爲血之虛也。

【治療】宜用補肝四物湯。內加益母服之。其兩目紅熱腫疼而昏者。則爲血實。宜服瀉肝湯加益母。琥珀。山查。

一 補肝四物湯

菊花 決明 蒺藜各五分 當歸 川芎 白芍 熟地各一錢 柴胡 薄荷 青皮 黃芩
梔子 枳殼 陳皮各五分

右用益母草一大撮。水一碗半。煎一碗。晚服。

二 瀉肝湯

菊花 決明 木賊 蒺藜各五分 延索(研) 琥珀(研)各五分 靈脂(生) 蒲黃(生)各五分
 分 桃仁二分 紅花二分 木通五分 山查一錢 柴胡 川芎 薄荷 青皮各五分(左目
 倍加) 黃芩 梔子 桔梗 枳殼 陳皮各五分(右目倍加) 大黃一分
 右水煎作一劑服。

老人昏目

【病狀】老人目昏。不能視物。

【病因】此腎水之虛也。腎水虛則瞳人昏昏不能視矣。內經曰。八入而天癸竭。天
 癸者。腎之真水也。

【治療】宜用六味地黃丸與補中益氣湯相間服之。以補三焦既衰之氣。入明目
 藥自愈。

一 主方地黃丸

熟地四兩 菊花 山藥 茯苓各二兩 丹皮兩半(炒) 澤瀉五錢 黃柏 知母各一錢 楮
 實 枸杞 決明 蒺藜 兔絲各二兩

右共爲細末。煉蜜爲丸。每晚服三五錢。白水送下。

一 明目益氣湯

黃芪一錢 人參八分 甘草五分 當歸 柴胡 升麻三分 陳皮八分 菊花 藜蘆 決明 木賊各五分 黃柏一錢 大棗一枚
右水煎。作一劑服。

□ 目病雜治

一 飛絲入目

以蜂蜜灌入莖內。將葱之尖頭。略爲摘破。復將葱內之蜜。滴於眼內。連滴數次。可保無恙。(悅生隨抄)
雄雞冠血。滴入。看有紅絲。捲去。甚效。(易簡方)

石菖蒲搗爛塞鼻。左目塞左鼻。右目塞右鼻。(得效方)

二 石灰入目

用生菜油洗滌之。更滴入糖水數滴。不久自愈。(濟生祕覽)

生梔子煎濃汁。頻洗。(普濟方)

三 泥沙入目

嚼牛膝搽丸塞眼角。左眼右嚼。右眼左嚼。(必效方)

四 飛塵入目

切不可手指亂搽。恐睛擦傷生翳。宜閉目靜坐。嚴起上臉。待淚流出。則塵埃隨淚而出。如不去。可令人翻轉眼皮細看。見塵埃。即用新綿花纏火柴桿拭去。惟須注意爲要。(宣明眼科)

急下視。一吐卽愈。屢試皆驗。(三元延壽書)

五 眼睛打傷

生猪肉一片。以常歸赤石脂二味研末。搽肉上貼之。拔出瘀血。眼卽無恙。(通妙真人方)

六 物傷睛突

如目系未斷者。卽納入。急搗生地黃棉裹縛之。切要避風。(聖濟總錄)

七 目忽不見

黃土攪去中。澄清洗之。卽明。(肘後方)

令人嚼母燕。以舌日舐六七次。以明爲度。(聖濟總錄)

八 瞳人反背

蜜蒙花。蟬蛻。白菊。郁李仁。生石膏。生草決明。石決明。甘草。穀精草。白礬各四錢。百部二錢。珍珠四分。共爲末。分量不可加減。搗爛。裹服。卽發冷者。其光必轉。若光未盡轉。再服一劑。必愈。（漁隱叢話）

九 倒睫拳毛

石斛。川芎。等分爲末。口內含水。隨左右嚙鼻內。日二次。（補珍方）

青礬火煨。出毒細研。泡湯。澄清。點洗。（永類鈴方）

十 眼生偷針

凡眼皮之近鼻處上下。各有白色小孔一。如孔塞。則眼皮必致紅腫。治法以豬鬃之軟柔者通之。覺有微癢。淚腺竅落。則愈矣。（吾學編）

十一 眼疾預防

開水泡白菊花薰之。薰時以巾蓋頭。勿使氣散。薰後卽以水洗目。眼之紅色自漸退。（王氏奇方）

十二 洗眼藥水

用頂上西月石一錢。溶解於五兩之沸水中。卽以此水少許。入於茶杯中。取新棉蘸洗二眼。日二三次。

每次洗五分鐘。能治各種目疾。(試效錄驗方)

二 耳病

耳病通論

耳者。腎之外候。中藏經曰。腎者精神之舍。性命之根。外通於耳。然足厥陰肝。足少陽胆經。皆絡於耳。故凡傷寒邪熱耳聾者。屬少陽症。若病非外感。有暴發耳聾者。乃氣火上衝。名曰氣閉耳聾。若久患耳聾。則屬腎虛。精氣不足。不能上通於耳。若風熱相搏。津液凝聚。則變爲停豆抵耳之患。或膿水淋漓。或癢極疼痛。此皆厥陰肝經風熱所致。此耳病之大概也。

A 耳病研究

耳之組織——五閉

耳之組織

凡人聞一切音聲。由耳接收。傳達於腦。辨之記之。耳固一腦之司聽官。然腦之髓。腎精所生。經云腎主耳。又云。腎在竅爲耳。又云。腎氣通於耳。腎利則耳能聞五音。

是耳爲腎之竅。腎氣之所通。足少陰之經也。而足少陽三焦之脉。繞耳後尖骨陷中。爲翳風穴。再上爲瘻脉穴。又繞耳前爲耳門穴。至眉毛空竅爲絲竹穴。可見腎竅於耳。三焦與腎相連絡。其經亦繞耳以應之。耳亦爲心之竅。心氣之所通。手少陰之經也。而手太陽小腸之經。至耳後曲頰之後名天容穴。至面頰銳骨之端名顴穴。而絡於聽宮。可見心竅於耳。小腸與心相表裏。其經亦繞耳以應之。腎與心互爲功用。旣得陰血以和之。復得陽氣以鼓之。而肺主周身之氣。又貫於耳。節制其間。則耳竅司聽之膜膜。接收音聲。以傳達於腦者。益爲靈活。凡音之清濁。聲之洪纖。無不小叩小鳴。大叩大鳴。如傳聲機關矣。

□ 五閉

耳之閉有五。曰火閉。曰氣閉。曰虛閉。曰邪閉。曰竅閉。火閉者。因諸經之火。壅塞清道。或脹或塞。或紅或熱。治宜清火。火清而閉自開也。氣閉者。多因肝胆氣逆。憂鬱所結。而然非虛非火。治宜順氣。氣順舒而閉自開也。邪閉者。因風寒外感。亂其營衛。解其邪而閉自開也。竅閉者。必因損傷或挖傷。或雷炮震傷。或患聾耳所傷。宜

用開通之法以治之也。虛閉者。或腎虛。或病後。或勞倦過度。治宜大培元氣自開也。

耳病治療法

耳聾——耳鳴——耳痛——耳疔——耳疳——耳聾——耳痔——耳聾——耳挺——
 旋耳瘡——耳癢——凍耳——成疔——臭虫入耳——螞蟻入耳——壁虎入耳——耳
 被挖傷——耳爛流膿——耳內濕瘡

耳聾

【病狀】兩耳重聽。其聽嘈雜。又覺輝輝烹烹。外聲不聞。同時眼中見火。甚者久聾。
 【病因】多因勞傷氣血。風邪襲虛。精脫腎憊。遂致耳聾。亦有因氣厥或挾風而聾者。故有厥聾。風聾之名。

【治療】因氣虛而聾者。宜服四君子湯。因血虛而聾者。宜服四物湯。因腎虛而聾者。宜服黃芪六味丸。老人多元氣不足。宜服大補元煎。因痰火而聾者。宜服二陳湯。因氣閉而聾者。宜服通氣散。

一 四君子湯

白朮二錢 人參 茯苓各一錢 炙甘草五分
右加薑棗水煎服。

二 四物湯

熟地二錢 川芎八分 當歸身 白芍各一錢
右爲粗末水煎服。

三 黃芪六味丸

熟地(酒蒸)八兩 淮山藥四兩 棗皮四兩 丹皮三兩 澤瀉三兩 白茯苓三兩
三爲末。蜜煉和丸。桐子大。每服二十九。甚者三十九至五十九。日再服。

四 大補元煎

人參二錢 山藥二錢 熟地三錢 當歸山錢 棗皮一錢 枸根三錢 甘草二錢
右剉水煎服。

五 二陳湯

茯苓 陳皮 半夏各一錢 甘草五分 生薑二片
右水煎服。

六 通氣散

穿山甲二錢 茴香 木香 全蠍 延胡索 陳皮 菖蒲各一錢 羌活 白殭蠶 川芎 蟬
蛻各一錢 甘草一錢五分
右爲細末。每服三錢。不拘時候。溫酒調下。

七 單方

乾百合爲末。溫水服二錢。每日二次。(千金方)

蝸牛一兩。石胆。鍾乳粉。各二錢半。爲末。瓷盆盛之。火煨成赤。入冰片末一分。滴入耳中。無不愈。(聖惠方)

耳暴聾者。香附子瓦砂研末。蘿蔔子煎湯。早夜各一服。忌用鐵器。(衛生易簡方)

腎虛耳聾者。用烏雄雞一只。洗淨。以無灰酒四斤。煮熟。乘熱食三五只。極效。(醫林集要)

病後耳聾者。生薑蒲汁滴之。有效。(聖惠方)

老人耳聾者。豬腎一對。去膜切片。以粳米二合。葱白二根。雞白七枚。人參二分。防風一分。爲末。同煮粥食。(奉親養老書)

耳鳴

【病狀】鳴聲如蟬。霎時卽散。或左或右。時時閉塞。又或汨汨有聲。如蛙鼓蛟羅。鼓吹不已。致外入之聲。爲內聲所混。聽之不清。

【病因】此症皆由腎精不足。陰虛火動之故。亦有爲酒所遏者。

【治療】或外用麝香散。或內服龍齒散。俱收巨效。

一 麝香散

麝香五分 全蠍十四個 薄荷十四葉

右將麝香全蠍。以薄荷葉包裹。瓦上焙乾。研爲細末。滴水捏作錠子塞耳內。極妙。

二 龍齒散

龍齒 人參 白茯苓 麥門冬 遠志各半兩 丹砂 鐵粉 龍腦 牛黃 麝香(另研)各二錢半

右爲細末。研勻。每服半錢。食後。用沸湯調服。日三次。

三 單方

用生地黃灰火煨。綿裹塞耳。數易之。以瘥爲度。(本草綱目)

生地黃截塞耳中。日易數次。或煨熟尤妙。(肘後方)

耳痛

【病狀】耳或乾痛。或濕痛。或微痛。或痛如蟲走。

【病因】此症多屬少陽相火熾盛。若乾痛者。風熱也。濕痛者。風濕也。微痛者。虛火也。痛如蟲走者。風也。

【治療】宜用生犀丸。解熱飲子。涼膈散等分別施治。若耳痛生瘡者。宜用鼠粘子湯。

一 生犀丸

犀角 牛黃 南星 白附子 炮薑 丹砂 沒藥 半夏 龍腦 乳香 烏蛇(酒浸炙) 官桂各二錢半 防風 當歸 麝香各五錢

右爲末。蜜丸桐子大。

二 解熱飲子

起芎 白芎各五錢 常歸 炙甘草 蒸大黃 木鱉子各一兩
耳痛徹痛。膿血流出。水煎服之。立止。

三 涼膈散

連翹四兩 大黃(酒浸) 芒硝 甘草各二兩 黃芩(酒炒) 薄荷 梔子各一兩
右爲末。每服三錢。加竹葉生蜜煎。

四 鼠粘子湯

鼠粘子 黃芩 梔子 連翹 玄參 桔梗 甘草 龍胆草 板藍根各一錢
右水煎。作一劑服。

五 單方

木香末以葱黃染鵝脂。麝末。深納入耳中。(聖濟總錄)
用北細辛次末。以醋爲丸。塞耳。有奇效。(阮氏經驗方)

耳忽作痛者。用鹽五斤。蒸熱。以耳枕之。次復更換。痛能漸止。(肘後方)

耳卒腫痛者。牛蒡根切細。絞汁二升。砂鍋內熬膏。塗之。(聖濟總錄)

耳疔

【病狀】此症生於耳竅暗藏之處。顏黑根深。形如椒目。疼如錐刺。痛引腮腦。破流血水。

【病因】由腎經火毒所發。亦有因服丹石熱藥積毒而成者。

【治療】宜急服蟾酥丸汗之。再用蟾酥丸水調濃。滴於耳竅內。立效。毒甚者。以黃連解毒湯清之。卽瘥。

一 蟾酥丸

蟾酥(酒代)二錢 銅綠 輕粉 枯礬 寒水石(煨) 胆礬 乳香 沒藥 麝香各一錢 硃砂三錢 雄黃三錢 蝸牛二十一個

右藥各爲細末。稱準。先將蝸牛研爛。同蟾酥和研調黏。方入各藥。各搗極勻。丸如菘豆大。每服三丸。用葱白五寸。令患者嚼爛。吐於手心。男左女右。將藥丸裹入葱泥內。用無灰熱酒一茶鍾送下。被蓋。約人

行五六里路。病者出汗爲度。

二 黃連解毒湯

黃連 黃芩 黃蘗 生梔子各一錢五分研
右水煎熱服。

三 單方

鮮紅菱柄煨灰。加礪砂。上冰片少許。研極細末。吹入妙。(經驗方)

耳疔

【病狀】此證耳內悶腫出膿。因膿色不一。而名亦各殊。如出黑色臭膿者。名耳疔。

出青膿者名震耳。出白膿者名纏耳。出黃膿者名聾耳。

【病因】俱由胃熱與肝火相兼而成。

【治療】宜柴胡清肝湯主之。氣實火盛者。以龍胆瀉肝湯服之。惟風耳則出紅膿。偏於肝經血熱。宜用四物湯加丹皮。石菖蒲服之。外俱宜滴滴耳油。

一 柴胡清肝湯

柴胡 生地各一錢五分 當歸二錢 赤芍一錢五分 川芎一錢 連翹(去心)二錢 牛蒡子(炒研)一錢五分 黃芩一錢 生梔子(研) 天花粉 甘草節 防風各一錢
右水二鍾。煎八分。食遠服。

二 龍胆瀉肝湯

龍胆草 連翹(去心) 生地 澤瀉各一錢 車前子 木通 黃芩 黃連 當歸 梔子(生研) 生甘草各五分 生軍二錢(便秘加之)
右水二鍾。煎八分。食前服。

三 四物湯

川芎一錢五分 當歸(酒洗)三錢 白芍(炒)二錢 地黃三錢
右四味。以水煎服。

四 滴耳油

核桃仁研爛。搗油渣。得油一錢。兌冰片二分。每用少許滴於耳內。

五 單方

聰耳。用輕粉一錢。麝香一分。爲末。摻之。(揚起簡便方)

耳疳。用青黛。黃蘗爲末。乾擦妙。(鄭氏家傳方)

震耳。用青魚胆和冰片滴之。卽愈。(海上仙方)

纏耳。用蟲蛙竹屑。加麝香少許吹之。效驗如神。(小品方)

耳衄

【病狀】耳竅中時常流出鮮血。

【病因】此症多由上焦血熱所致。

【治療】若肝脈弦數者。以柴胡清肝湯服之。腎脈虛數者。以生地麥冬飲服之。總以涼血爲急。乃抽薪止沸之法也。外並以神塞丸塞之。

一 柴胡清肝湯

柴胡 生地各一錢五分 當歸二錢 赤芍一錢五分 川芎一錢 連翹(去心)二錢 牛蒡子(炒研)一錢五分 黃芩一錢 生梔子(研) 天花粉 甘草節 防風各一錢
右水二鍾。煎八分。食遠服。

二 生地麥冬飲

生地黃 麥冬(去心)各五錢 用水二鍾煎八分食後服。

三 神塞丸

麝香一分 生白礬一錢 沉香三分 糯米五十粒

共研細末。麪糊爲丸。如梧桐子大。每丸薄綿裹之。如左耳出血塞右鼻。右耳出血塞左鼻。兩耳俱出血塞兩鼻。

四 單方

耳中出血。用龍骨末吹之。立效。(三因方)

□ 耳痔 耳葦 耳挺

【病狀】此三症皆生耳內。耳痔形如櫻桃。亦有形如羊奶者。耳葦形類初生蘑菇。頭大蒂小。耳挺形若棗核。細條而長。努出耳外。俱微腫悶疼。色紅。皮破。不當觸犯。犯之痛引腦巔。

【病因】俱由肝經怒火。腎經相火。胃經積火。凝結而成。

【治療】皆宜內服。梔子清肝湯。外用礪砂散點之。漸漸消化。

一 梔子清肝湯

梔子(生研) 川芎 當歸 柴胡 白芍(酒炒) 丹皮各一錢 生甘草五分 石膏(煨) 牛蒡子(炒研)各一錢 黃芩 黃連各五分
右水二鍾。煎八分。食後服。

二 礪砂散

礪砂一錢 輕粉 雄黃各三分 冰片五厘
共研細末。水調濃。用穀草細梗咬毛蘸點痔上。

□ 旋耳瘡

【病狀】此症生於耳後縫間。延及耳摺上下。如刀裂之狀。色紅。時流黃水。然此瘡月盈則瘡盛。月虧則瘡衰。隨月盈虧。是以又名月蝕瘡也。

【病因】皆由胆脾濕熱所致。

【治療】宜用穿粉散搽之。即愈。

一 穿粉散

輕粉(研隔紙微炒) 穿山甲(炙) 鉛粉 黃丹(水飛)各三錢
右共研極細末。香油調敷。

二 單方

旋覆花燒研。羊脂和塗之。(集前方)

五倍子末。冷水調塗。濕則乾摻之。(海上名方)

□ 耳病雜治

一 耳癢

生烏頭一個。乘濕削如棗核大。塞入耳內。日換數次。過三五日便愈。兼治耳鳴。(楊炎南行方)

二 凍耳成瘡

生薑自然汁。熬膏塗耳上。神效。(暇日記)

白蘇。黃蘗等分爲末。生油調搽。(談楚翁方)

三 臭蟲入耳

緊閉口目。以一手掩鼻孔。一手掩其餘一耳。力屏其氣。蟲自出。否則用香油滴耳。(衛生寶鑑)

四 螞蟻入耳

穿山甲燒研。水調灌之。卽出。(肘後方)

五 壁虎入耳

雞冠血滴入。卽出。(奇效良方)

六 耳被挖傷

冰片。胭脂燒灰。牡蠣煨粉爲末。用骨簪點香油。蘸藥末入耳內。卽愈。(吳崑醫方考)

七 耳爛流膿

陳皮一錢。燈草燒灰一錢。冰片一分。爲末。吹耳效。(外科正宗)

八 耳內濕瘡

蛇牀子。黃連。各一錢。摻粉一分。共爲末吹之。(全幼心鑑)

三 鼻病

鼻病通論

素問曰。西方色白。入通於肺。開竅於鼻。鼻塞者。肺寒也。鼻流清涕者。肺風也。若鼻中常出濁涕。源源不絕者。名曰鼻淵。此腦中受寒。久而不散。以致涕濁常流。如泉水之涓涓然。然鼻淵初起。多由於寒。日久則寒化為熱矣。更有鼻生瘰肉。名曰鼻痔。鼻不可近。痛不可掘。又鼻中流血不止。名曰衄血。皆肺熱之故也。

A 鼻之研究

■ 鼻之研究

鼻為後天呼吸之竅。蓋先天呼吸。其竅在臍。後天呼吸。其竅在鼻。畜門者。鼻之外竅也。頰頰者。鼻之內竅也。頰頰即上顎。氣從此分出於口為唾。分出於鼻為涕。是為呼吸部。肺利則鼻能知香臭。宗氣上出於鼻為嗅。合肺胃二者以致其功。遂成嗅覺。

B 鼻病治療法

鼻塞——鼻淵——鼻赤——鼻疽——鼻疔——鼻癰瘡——鼻疳——鼻痔——肺風粉

刺——鼻血——鼻流清涕

□ 鼻塞

【病狀】鼻塞，不聞香臭。或嚏涕聲重。

【病因】肺竅於鼻。所以別香臭。今不聞香臭者。病在肺也。以鼻之呼吸通腦肺。肺感風寒。則鼻塞聲重。若風熱壅肺。則致嚏涕聲重。

【治療】因肺感風寒者。宜服參蘇飲。因風熱壅肺者。宜服菊花茶調散。

一 參蘇飲

人參 紫蘇 乾葛 前胡 陳皮 枳殼 茯苓 半夏各八分 桔梗 木香 甘草各五分
生薑五片 大棗一枚
右十三味水煎。熱服取汗。

二 菊花茶調散

菊花 殭蠶 薄荷 川芎 羌活 甘草 白芷 防風 細辛各二分
右爲細末。茶清調服。

三 單方

通草。細辛。附子。共爲末。蜜調。綿裹納鼻中。卽通。(資生集)

用生葱分作三段。早用葱白。午用中段。晚用末段。搗塞鼻中。氣透。自效。(救急良方)

鼻淵

【病狀】卽腦漏也。頭風鼻涕。下如白帶。有時或黃。或紅。作腦髓狀。氣甚腥臭。

【病因】由風寒入腦。鬱久化熱。經云。胆移熱於腦。令人鼻淵。

【治療】宜服川芎丸。或瘡耳散。皆可見效。

一 川芎丸

川芎二兩(生用) 蒼朮 草烏(生去皮尖)各半兩

右爲細末。麪糊和丸如梧子大。每服十丸。食後清茶送下。服藥後。忌熱物一時。

二 瘡朮散

辛夷半兩 蒼耳子(炒)二錢半 香白芷二兩 薄荷葉五分

右爲細末。每服二錢。用葱茶清。食後調服。

三 單方

百草霜細末。冷水調服。(直指方)

用孩兒茶研末吹。(兵部手集)

鼻赤

【病狀】鼻端紅腫赤皴。名酒渣鼻。

【病因】由飲酒不節。致風熱上攻。血熱不散。

【治療】宜內服疏風散。外用蜜陀僧二兩。研細。人乳調塗。有不飲酒而鼻色赤。名肺風。由熱鬱於肺。宜服清肺飲。二證忌食辛熱諸品。

一 疏風散

荆芥 防風 當歸 芍藥 黃芩 甘草 薄荷 蒺藜 燈草
右爲末。每服三錢。白水下。

二 清肺飲

杏仁 貝母 茯苓各一錢 桔梗 甘草 陳皮各五分 生薑三片
右水煎。作一劑服。

鼻疽

【病狀】此證生於柱。堅硬色紫。時覺木痛。

【病因】由肺經鬱火凝結而成。

【治療】初起宜服千金漏蘆湯。宣解鬱毒。次用仙方活命飲加梔子。木通。薄荷。桔梗消之。若腫痛不減。勢欲作膿。宜托裏透膿湯主之。

一 千金漏蘆湯

漏蘆一兩 枳殼(麸炒)一兩 朴硝一兩 大黃一兩五錢 甘草(生)一兩 麻黃一兩 黃芩一兩 白朮一兩 連翹(去心)一兩 升麻一兩

右共研末。每用二錢。水一鍾。薑三片。薄荷葉一錢。煎五分。溫服。以取便利爲度。

二 仙方活命飲

穿山甲三大片(炒) 皂刺五分 歸尾一錢五分 甘草節一錢 金銀花二錢 赤芍藥五分
(炒) 乳香五分 沒藥五分 花粉一錢 防風七分 貝母一錢 白芷一錢 陳皮一錢五分
梔子 木通 薄荷 桔梗各二錢

右用好酒煎服。恣飲盡醉。

三 托裏透膿湯

人參 白朮(土炒) 穿山甲(炒研) 白芷各一錢 升麻 甘草節各五分 當歸二錢 皂角刺一錢五分 生黃耆三錢 青皮(炒)五分
右水三鍾煎一鍾。先飲煮酒一鍾。後熱服此藥。

□ 鼻疔

【病狀】此證生於鼻孔內。鼻竅腫塞。脹痛引腦門。甚則唇腮俱作浮腫。

【病因】此由肺經火毒凝結而成。

【治療】宜服蟾蘇丸汗之。再用蟾酥丸研細末吹入鼻竅。若腫硬外發。用離宮錠塗之。此症初起之時。須當速治。遲則毒氣內攻。以致神昏嘔噦。鼻腫如瓶者不治。

一 蟾酥丸

蟾酥(酒化)二錢 銅綠 輕粉 枯礬 寒水石(煨) 膽礬 乳香 沒藥 麝香各一錢 硃

砂三錢 雄黃三錢 蝸牛二十一個

右藥各爲細末稱準。先將蝸牛研爛。同蟾酥和研調黏。方入各藥。共搗極勻。丸如菉豆大。每服三丸。用葱白五寸。令患者嚼爛。吐於手心。男左女右。將藥丸裹入葱泥內。用無灰熱酒一茶鍾送下。被蓋出汗爲度。

二 離宮錠

血竭三錢 硃砂二錢 胆礬三錢 京墨一兩 蟾酥三錢 麝香一錢半
右六味爲末。涼水調成錠。涼水磨濃塗之。

鼻 齧 瘡

【病狀】此證多生小兒鼻下兩旁。色紫斑爛。膿汁浸淫。癢而不痛。

【病因】由風熱客於肺經所致。

【治療】宜內服澤瀉散。外搽青蛤散。卽愈。

一 澤瀉散

澤瀉 鬱金 山梔(生) 甘草(生)各一錢

右共研末。甘湯煎服調下。每服一錢。

二 青蛤散

蛤粉(煨)一兩 青黛三錢 石膏(煨)一兩 輕粉 黃蘗(生末)各五錢

右共研細末。先用香油調成塊。次用涼水調稀。薄塗疔處。

鼻瘡

【病狀】此症生於鼻竅內。初覺乾燥疼痛。狀如粟粒。甚則鼻外色紅微腫。似火炙。

【病因】由肺經熱壅。上攻鼻竅。聚而不散。致成此瘡。

【治療】宜內服黃芩湯清之。外用油紙撚粘辰砂定痛散送入鼻孔內。若乾燥甚者。黃連膏抹之立效。

一 黃芩湯

黃芩二錢(酒炒) 生甘草五分 麥冬一錢(去心) 桑白皮(生)一錢 梔子一錢五分(連皮

酒炒) 連翹(去心) 赤芍 桔梗 薄荷 芥穗各一錢

右水煎。食後服。

二 辰砂定痛散

辰砂(末)五分 冰片二分 胡黃連(末)二兩 石膏(煨)一兩
右共研細末。

三 黃連膏

黃連三錢 當歸尾五錢 生地一兩 黃蘗三錢 薑黃三錢
香油十三兩。將藥燻枯。撈去渣。下黃蠟四兩。溶化盡。用夏布將油濾淨。傾入磁碗內。以柳枝不時攪之。
候凝爲度。

□ 鼻痔

【病狀】此症生於鼻內。形如石榴子。漸大下垂。色紫微硬。撐塞鼻孔。礙人氣息難通。

【病因】由肺經風濕熱鬱凝滯而成。

【治療】宜內服辛夷清肺飲以清肺熱。外以礪砂散逐日點之。漸化爲水而愈。宜戒厚味暴怒。庶不再發。

一 辛夷清肺飲

辛夷六分 生甘草五分 石膏(煨) 知母 梔子(生研) 黃芩各一錢 枇杷葉三片(去毛蜜炙) 升麻三分 百合 麥冬(去心)各一錢
右水二鍾煎八分食遠服。

二 礪砂散

礪砂一錢 輕粉 雄黃各三分 冰片五厘
共研細末。水調濃。用殺草細梗咬毛蘸點痔上。

□ 肺風粉刺

【病狀】鼻起碎疙瘩。形如黍屑。色赤腫痛。破出白粉汁。日久皆成白屑。形如黍米白屑。

【治療】宜內服枇杷清肺飲。外敷顛倒散。緩緩自收功也。

一 枇杷清肺飲

人參三分 枇杷葉一錢(去毛蜜炙) 甘草(生)三分 桑白皮二錢 黃蘗一錢

右水一鍾半。煎七分。食遠服。

一一 顛倒散

大黃 硫黃各等分

右研細末。共合一處。再研勻。以涼水調敷。

□ 鼻病雜治

一 鼻血

麥門冬去心。生地黃各五錢。水煎服。(保命集)

蘿蔔搗汁半杯。入酒少許。熱服。並以汁注鼻中。甚良。(易簡方)

二 鼻流清涕

蒺藜苗一握。黃連二兩。水煮一碗。灌鼻中。少許。取嚏。不通。再試。(聖惠方)

四 口唇病

□ 口唇病通論

口者脾之所主也。脾氣通於口。脾和則能知五味。然自覺酸。則胆經有熱可知。自

覺辛。則脾氣上乘可知。自覺鹹。則腎液之所鍾。淡味時時在口。則脾胃有寒可知。自覺苦者。胆熱之甚也。唇者。脾之表也。故脾陰足。唇潤且澤。脾陰不足。唇燥而焦也。

A 口唇之研究

□ 口唇之研究

口者胃之門戶。而內經則指爲脾竅。其言曰中央黃色。入通於脾。開竅於口。藏精於脾。以飲食入口。腸胃迭爲虛實。能納入能排出者。皆脾之消化力也。故胃爲水穀之海。非脾水無由蒸化爲氣。穀無由腐熟爲糜。勢將填塞於中。雖有瓊漿玉液。海錯山珍。亦難下咽。惟脾有化穀之功能。斯口有迎糧之慾望。經以脾竅於口。其義深矣。矧脾之於胃。以膜相連。睥臟及胆囊之脈管。同開口於胃底十二指腸之部。輸其精汁入胃化穀。一傳穀化爲漿液。而入小腸。再傳穀變爲糟粕。而入大腸。下能排出。上必納入。是脾之消化。在內則開口於十二指腸。在外則開竅於口也。而太陰之氣榮於上。又可於唇徵之。脾陰足。唇潤且澤。脾陰不足。唇燥而焦。故經

又曰。其華在唇。四白。唇者。口之門戶。由口及唇。義益詳備矣。

B 口唇病治療法

口疳——鵝口疳——口糜——唇疽——繭唇——唇風——唇菌——唇裂——唇腫——唇疔

口瘡

【病狀】此症有因虛火實火之分。虛火者。色淡紅。滿口白斑微點。甚者陷露龜紋。脉虛。不渴。實火者。色豔紅。滿口爛斑。甚者腮舌俱腫。脈實口乾。

【病因】虛火者。因思慮太過。多醒少睡。以致心腎不交。虛火上炎。實火者。因過食膏粱厚味。醕酒炙燻。以致心脾實火妄動。

【治療】虛火者。宜服四物湯加黃蘗。知母。丹皮。肉桂。外以柳花散搽之。實火者。宜服涼膈散。外搽赴筵散。吐涎則效。

一 四物湯加黃蘗等

當歸 熟地各三錢 白芍二錢(酒炒) 川芎 黃蘗 知母 丹皮各一錢五分 肉桂五分

右水煎服。

二 柳花散

黃蘗末一兩 青黛三錢 肉桂一錢 龍腦香二分
右各研細末。再合一處。研勻。每用少許搽於患處。

三 涼膈散

黃芩 薄荷 梔子(生研) 連翹(去心) 石膏(生) 甘草(生) 芒硝 大黃各等分
右以水二鍾。苦竹葉二十片。煎八分。加蜂蜜三匙和服。

四 赴筵散

黃芩 黃連 梔子(生) 乾薑 黃蘗(末) 細辛各等分
右共研末。每用少許搽於患處。

五 單方

膽礬火煨爲末。傅瘡上。吐涎。便瘥。(本草綱目)
生甘草二寸。白礬一粟大。常噙之。嚥津。(活法機要)

硼砂。焙硝。合口中。以天南星爲末。用醋調貼足心。神效。（醫學正傳）

蜜陀僧煨研。搽之。（聖濟總錄）

不拘大人小兒。以角蒿塗之。有汁吐出。一宿卽效。（簡易方）

久患口瘡不愈者。生附子爲末。醋麵調貼足心。男左女右。日再換之。（經驗良方）

以好酒煮黃連取汁呷下。立愈。（丹溪心法）

□ 鵝口瘡

【病狀】此證小兒多有之。滿口皆生白色斑點。作痛。甚則咽喉疊疊腫起。難於乳哺。多生啼叫。

【病因】此屬心脾二經之熱所生。初生小兒。則爲胎熱上攻所致。

【治療】用青紗一條。裹筋頭上。蘸新汲水皆去白胎。以淨爲度。重手出血無妨。隨用冰硼散搽之。內服涼膈散卽愈。

一 冰硼散

冰片五分 硼砂 元明粉各五錢 硃砂六錢

右共研細末。用少許搽於瘡處。如咽喉腫痛。以蘆筒吹之。立效。

二 涼膈散

黃芩 薄荷 梔子(生研) 連翹(去心) 石膏(生) 甘草(生) 芒硝 大黃各等分
右水二鍾。苦竹葉三十片。煎八分。加蜂蜜三匙和服。

口糜

【病狀】滿口糜爛。甚於口瘡。色紅作痛。甚則連及咽喉。不能飲食。

【病因】此症由陽旺陰虛。膀胱濕水。泛溢脾經。濕與熱瘀鬱久則化爲熱。熱氣薰蒸胃口。遂致此病。

【治療】初起宜服導赤湯。口臭。瀉泄。脾虛濕者。宜服連理湯。糜爛延及咽喉。日輕夜重者。服少陰甘桔湯。外俱以薑蘖散搽之。有效。

一 導赤湯

木通 生地各二錢 甘草(生)一錢
竹葉二十片。水一鍾。煎半鍾。溫服。

二 加味連理散

白朮(土炒)二錢 人參 白茯苓 黃連 乾薑各一錢 甘草五分(炙)
右用水煎。乘熱服。

三 少陰桔甘湯

桔梗二錢 生甘草一錢 川芎 黃芩 陳皮 元參 柴胡各六分 羌活 升麻各四分
右用葱白一根。水二鍾。煎八分。食遠服。

四 薑蘖散

乾薑 黃蘖各等分

右各研末。再合一處研勻。乾搽口內。溫水漱口。

口病雜治

一 口乾

元參二三片。含口中。便生津液。大佳。(斗門方)

虛勞口乾者。用麥冬一兩爲末。大棗肉三十枚。以蜜一升。和令熟。用米五升蒸之。任性服。(千金方)

二 口臭

尋常口臭。每夜於臨臥時。口含荔枝肉一二枚。次早吐去。七日見效。(集簡方)

口中如膠而臭。知母。地骨皮。山梔。麥門冬。甘草。鹽湯噙。早起汲井中第一汲水含之。吐棄廁下。卽瘥。

(本草)

食韭口臭。嚼砂糖卽解。(醫方摘要)

飲酒口臭。啖柚子卽解。亦可煎湯飲。

唇疽

【病狀】此症生於唇。色紫有頭。大者如李。小者如棗。腫硬如鐵。時覺目痛。甚則寒熱交作。

【病因】此症無論生於唇之上下。左右。皆由脾胃積熱所致。

【治療】初起宜服神授衛生湯。裏實者服雙解貴金丸。外用離宮錠塗之。

一 神授衛生湯

皂刺一錢 防風六分 羌活八分 白芷六分 穿山甲(炒)六分 連翹六分 歸尾一錢 乳

香五分 沉香六分 金銀花一錢 石決明六分 天花粉二錢 甘草節一錢 紅花六分 大黃二錢(酒拌炒)

右十五味水二碗煎八分。先飲酒一杯。後服藥。

二 雙解貴金丸

生大黃一斤 白芷十兩

右二味爲末。水丸。每服三五錢。五更時。用連鬚葱大者三根。黃酒一碗。煮葱爛。取酒送藥。服畢蓋臥出汗。過二三時。大便秘行。一二次立效。

三 離宮錠

血竭三錢 硃砂二錢 胆礬三錢 京墨一兩 煇酥三錢 麝香一錢半
右六味爲末。涼水調成錠。涼水磨濃汁塗之。

口 繭唇

【病狀】此症初起豆粒。漸長若蠶繭。堅硬疼痛。妨礙飲食。

【病因】由脾胃積火結聚而成。

【治療】初起及已成無內證者。用蟾酥餅貼之。陀僧膏蓋之。日久暫消。或口渴者。宜服清涼甘露飲。若面赤。口唇燥裂便秘者。此又屬氣虛。宜服涼膈散。若日輕夜重。五心煩熱。兩額現紅。脈虛數無力者。宜服加減八味丸以滋水養陰。若潰後如翻花。時唾血水者。屬逆。

一 蟾酥餅

蟾酥二錢(酒化) 銅綠 輕粉 枯礬 寒水石(煨) 胆礬 乳香 沒藥 麝香各一錢 硃砂三錢 雄黃二錢 蝸牛二十一箇

右爲末稱準。先將蝸牛研爛。同蟾酥和研稠黏。方入各藥。搓條作餅。

二 陀僧膏

南陀僧二十兩(研末) 赤芍二兩 全當歸五錢(研) 乳香五錢(研) 沒藥五錢(研) 赤石脂二兩(研) 苦參四兩 百草霜二兩 銀鋤一兩 桐油二斤 香油一斤 血竭五錢(研) 孩兒茶五錢(研) 川大黃半斤 右製膏。

三 涼膈散

黃芩 薄荷 梔子(生研) 連翹(去心) 石膏(生) 甘草(生) 芒硝 大黃各等分
右水二鍾。苦竹葉二十片。煎八分。加蜂蜜三匙和服。

四 加味八味丸

熟地八兩(酒蒸搗膏) 山藥四兩(炒) 山萸肉五兩(去核) 白茯苓四兩 牡丹皮四兩(酒洗) 澤瀉三兩(蒸) 肉桂六錢 五味三兩(炒)
右八味共爲末。煉蜜丸。梧子大。每服二錢。空心鹽湯送下。

五 清涼甘露飲

麥冬(去心) 知母 黃芩 石斛 枳殼(麩炒) 枇杷葉(去毛蜜炙) 銀柴胡 犀角(磅) 生地 茵陳蒿 甘草(生)各一錢 燈心五十寸 淡竹葉一錢
右水二鍾。煎八分。食遠服。

六 單方

又名藩唇。初起口緊。不能飲食。若不急治。難效。須用新白布作捲。如酒杯大。燒燃。放刀口上。俟刀口汁

出。取汁搽之。日搽十餘次。並以青布燒灰沖酒服。極效。（活人書）
青皮燒灰。豬脂調塗。仍將青皮灰末。每一錢。酒調服。（醫學入門）

唇風

【病狀】此症多生下唇。初起發癢。色紅作腫。日久破裂流水。疼如火燎。又似無皮。

如風盛則唇不時嚙動。

【病因】由陽明胃經風火凝結而成。

【治療】宜內服雙解通聖散。外塗黃連膏自愈。

一 雙解通聖散

防風 荊芥 當歸 白芍（炒） 連翹（去心） 白朮（土炒） 川芎 薄荷 麻黃 梔子各五錢 黃芩 石膏（煨） 桔梗各一兩 甘草（生）二兩 滑石三兩
共研粗末。每用五錢。水一鍾半。煎八分。澄渣溫服。

二 黃連膏

黃連三錢 當歸尾五錢 生地一兩 黃蘗三錢 薑黃三錢

香油十二兩。將藥燻枯。撈去渣。下黃蠟四兩。溶化盡。用夏布將油濾淨。傾入磁盤內。以柳枝不時攪之。候凝爲度。

□ 唇病雜治

一 唇菌

嘴唇陡然翻突。形如豬嘴。對時不救。急灸兩手少商穴。並用蚯蚓十條。吳茱萸二錢。研末。加灰麩少許。熱醋調敷。兩足心。用布紮住。半日一換。以愈爲止。(兵部手集)

二 唇裂

冬月唇裂。香油類類抹之。(物類相感志)

桃仁搗泥。和豬脂傅之。(海上集驗方)

三 唇腫

腫脹色黑。痛癢難忍。大錢四文。石上磨豬油汁塗之。不過數次愈。(活幼新書)

四 唇疔

取野薔薇花根上皮。槌絨。酌加黃柏末。和勻做小餅。貼患處。須更換。將疔拔出爲度。(驗方)

五 舌齒病

舌齒病通論

舌者。心之竅也。其病木。則舌腫不痛也。重舌。舌下腫似舌也。此皆心經之熱所上冲而成也。故宜治其本。齒者。骨之餘也。屬乎腎。牙齦。手足兩陽明也。齒長豁動爲腎憊。寒牙痛。多連頭腦。爲寒邪所犯也。喜熱飲而不腫不蛙也。熱牙痛。爲胃火邪風濕熱也。多腫喜冷食。得寒則不痛者。讎仇之意也。蟲牙。一牙作痛。蝕盡一牙又蝕一牙作痛也。

A 舌齒之研究

舌齒之研究

舌爲味覺器。屬之心。所謂脾病通於口。脾和則口能知五穀。心氣通於舌。心和則舌能知五味矣。所以然者。心之本脉。繫於舌根。脾之經脉。散於舌下。彼所稱味神經。當即貫通心脉氣之細腺也。齒者骨之餘。故腎衰則齒豁。精盛則齒堅。兒生八月。板齒始生。板齒卽口前兩大扁齒。其兩旁長者曰牙。牙亦通稱曰齒。女子七歲

腎氣盛而齒更。三七腎氣平均而真牙生。男子八歲腎氣實而齒更。三七腎氣平均而真牙生。真牙卽牙牀窮處最後生者也。

紫舌脹

【病狀】舌腫滿口。堅硬疼痛。

【病因】此證由心經火盛。血壅。

【治療】宜用衣鍼紮筋頭上。露鋒分許。當舌刺數十刺。令血出。紅色者輕。紫色者重。以溫水漱口。搽冰硼散。內服加減涼膈散。自愈。

一 冰硼散

冰片五分 硼砂 元明粉各五錢 硃砂六分

右共研極細末。用少許搽於患處。日數次。

二 加減涼膈散

黃芩 薄荷 連翹(去心) 石膏(生) 甘草(生) 牛蒡子 荆芥各等分 梔子倍用
右水二鍾。苦竹葉二十片。煎八分。加蜂蜜三匙和服。

□ 舌下痰包

【病狀】此證生於舌下。結腫如匏。光軟如棉。塞脹舌下。有妨飲食言語。色黃木痛。

【病因】由火稽痰涎流注而成。

【治療】宜用利剪當包上剪破。出痰涎如鷄子清。稠粘不斷。拭淨搽冰硼散。服加味二陳湯。忌煎炒火酒等物。

一 冰硼散

冰片五分 硼砂 元明粉各五錢 硃砂六分

右共研極細末。用少許搽於患處。日數次。

二 加味二陳湯

陳皮 半夏(製) 白茯苓 黃芩各八分 黃連 薄荷 甘草(生)各五分

右水二鍾。薑三片。煎八分。食前服。

□ 舌衄

【病狀】此證係舌上忽生孔。小者如針尖。大者如筋頭。其孔色紫屬熱甚。色黑防

腐爛。血出如泉湧。

【病因】由心火上炎。以致血熱妄行。遂成此病。

【治療】宜內服升麻湯。兼外搽必勝散甚效。

一 升麻湯

升麻 小薊根 茜草根各一兩五錢 艾葉七錢五分 寒水石三兩
右共研末。每三錢。水一鍾。煎七分。渣去渣。入生地黃一匙。再煎二滾。溫服。或加炒側柏葉五錢亦可。

二 必勝散

螺青(另研) 蒲黃各一錢(炒)

右再共合一處研細。搽於患處。後用溫鹽湯漱口。

三 單方

舌上出血。有孔如簪如針者。赤小豆一升。杵碎。水三升和。絞汁服。舌尖出血。蒲黃末搽舌上。內煎服生黃連一錢。連翹三錢。竹心二十根。累效。

舌腫血出如泉。烏賊骨。蒲黃各等分。炒爲細末。每次塗之。日數次。(簡易方)

□ 重舌

【病狀】舌下血脈脹起。如小舌狀。故名重舌。

【病因】由心脾蘊熱。循經上沖舌本。遂致此病。

【治療】宜用冰硼散搽之。或用半夏醋煎含漱之。亦可。

一 冰硼散

冰片五分 硼砂 元明粉各五錢 硃砂六分

右共研細末。用少許搽於患處。日數次。

二 單方

急用生蒲黃。羅細末敷之。五七次即愈。但須吐去再敷。(百一選方)

取馬牙硝爲末。傅舌下。日三次。(本草綱目)

重舌涎出。水漿不下。太陰玄精石二兩。牛黃。硃砂。龍腦各一分爲末。以針刺舌上。去血鹽湯漱口。搽末。

燕津。神效。(聖惠方)

白芨末。乳汁調塗足心。效。(聖惠方)

五靈脂一兩。去砂石。研末。米醋一大碗。煎。逐漸噙漱口。(勝金方)

□ 舌上痰核

【病狀】舌上生核。強硬作痛。水漿難咽。急宜治之。

【病因】由心脾痰涎鬱熱所致。

【治療】宜用衣針點破。搽冰硼散。內服二陳湯。

一 冰硼散

冰片五分 硼砂 元明粉各五錢 硃砂六分

右共研細末。用少許搽患處。日數次。

二 二陳湯

半夏(製) 茯苓各三錢 陳皮(去白)二錢 甘草一錢

右四味。加薑三片。水煎服。

□ 重膠

【病狀】上腭生瘡。形如梅子。外無寒熱。內時作煩。

【病因】此由心脾熱極所致。

【治療】禁用針刺。宜服黃連解毒湯加桔梗。並不時用紫雪散噙化。

一 黃連解毒湯

黃連 黃芩 黃蘗 生梔子 桔梗各一錢五分

右水煎。作一劑服。

二 紫雪散

犀角(鎊) 羚羊角(鎊) 石膏 寒水石 升麻各一兩 元參二兩 甘草(生)八錢 沉香(剉) 木香各五錢(剉)

右用水五盞煎藥。剩湯一碗。將渣用絹濾去。將湯再煎滾。投淨朴硝三兩六錢。文火慢煎。水氣將盡。欲凝結之時。傾入盤內。下硃砂。冰片各三錢。金箔一百張。各預研細和勻。將藥盤安入涼水盆中。候冷凝如雪爲度。大人每用一錢。小兒二分。徐徐咽之。卽效。

□ 舌疔

【病狀】舌生紫炮。其形如豆。堅硬寒熱。疼痛應心。

【病因】此症係由心脾火毒上攻所致。

【治療】初起宜用蟾酥丸含於舌下。隨化隨咽。或再服三粒。以解內毒。甚者。先用針刺破之。

蟾酥丸

蟾酥二錢(酒化) 銅綠 輕粉 枯礬 寒水石(煨) 胆礬 乳香 沒藥 麝香各一錢 硃砂三錢 雄黃二錢 蝸牛二十一箇

以上各爲細末。稱準。先將蝸牛研爛。同蟾酥和研稠粘。方入各藥。共搗極勻。丸如菔豆大。

舌疔

【病狀】此症初如豆。次如菌。頭大蒂小。又名舌菌。疼痛。紅爛無皮。朝輕暮重。若失於調治。以致焮腫。突如泛蓮。或有狀如雞冠。舌本短縮。不得伸舒。妨防飲食言語。時流臭涎。再因怒氣上沖。忽然崩裂。血出不止。久久延及項頰。腫如結核。堅硬聾痛。皮色如常。頂輒一點色暗木紅。破後時津臭水。腐如爛綿。甚至透舌穿腮。湯水漏出。是以又名瘰癧風也。蓋舌本屬心。舌邊屬脾。

因心緒煩擾。則生火。思慮傷脾。則氣鬱。鬱甚而成斯疾。

【病因】由心脾毒火而成。

【治療】舌疳初起。急用北庭丹點之。自然消縮而愈。若失於調治。致成瘰癧風者。初可服導赤湯。加黃連。虛者服歸脾湯。熱甚者服清涼甘露飲。合歸脾湯。便溏者服歸芍異功湯。頷下腫核初起。宜用錦地羅蘸醋磨濃敷之。潰後宜水澄膏貼之。

一 北庭丹

番礪砂 人中白各五分 瓦上青苔 瓦松 塘鷄矢各一錢

右用傾銀罐二個。將藥裝在罐內。將口封嚴。外用鹽泥封固。以炭煨紅。三炷香爲度。候冷開罐。將藥取出。入麝香冰片各一分。共研細末。用磁針刺破舌菌。用丹少許點上。再以蒲黃蓋之。

二 導赤湯

木通 生地 黃連各二錢 生甘草一錢

右用竹葉二十片。水一鍾。煎半鍾。溫服。

三 歸脾湯

人參 龍眼肉 黃耆各二錢半 甘草五分 白朮二錢半 茯苓二錢半 木香五分 當歸
酸棗仁(砂研) 遠志各一錢
右加薑三片。水煎服。

四 清涼甘露飲

麥冬(去心) 知母 黃芩 石斛 枳殼(麩炒) 枇杷葉(蜜炙) 銀柴胡 犀角(鎊) 生地
茵陳蒿 生甘草各一錢 燈心五十寸 淡竹葉一錢
右用水二鍾。煎八分。食遠服。

五 歸芍異功湯

人參 白朮(土炒) 廣陳皮 白芍(酒炒) 當歸身各一錢 甘草五分(炙) 白茯苓二錢
燈心五十寸
右水煎。空心服。

六 水澄膏

硃砂二錢（水飛） 白芨 白斂 五倍子 鬱金各一兩 雄黃 乳香各五錢
右爲細末。米醋調濃。以厚紙攤貼之。

□ 舌病雜治

一 木舌

川椒。以生麵包丸。每服十粒。醋湯下。（救急良方）
蒲黃。乾薑等分。乾摻。即愈。（本草綱目）
川烏尖。巴豆細研。醋調塗刷。（集簡方）

二 舌斷

用鮮蟹燒灰。每二錢。同乳香。沒藥各二錢半。塗之。即生肉。如多去舌。用川烏。草烏。同爲細末。攤紙一條。以涼水調合貼之。即不覺痛。可用刀取。如流血。以陳石灰塗之。即止。愈後舌硬。用白鷄冠血點之。便軟。
（醫鑑）

舌頭割而未斷者。用鵝翎蘸米醋。頻刷斷處。其血即止。仍用蒲黃。杏仁。硃砂少許爲末。蜜調成膏。噙化而安。（醫學入門）

三 舌忽縮入

生艾搗敷之。乾艾浸濕亦可。(聖濟總錄)

四 舌皮碎裂

須將鷄蛋煮熟。取其硬壳與蛋白間之薄皮。套於舌上。易三四次。舌卽脫皮全愈。(丹溪心法)

口 牙齦

【病狀】因胃經實熱者。則血出如湧。口必臭。牙不動。胃經虛火者。牙齦腐爛。淡血滲流不已。腎經虛者。血則點滴而出。牙亦微痛。口不臭而牙動或落者。

【病因】此證由熱而成。惟當分虛實。

【治療】胃經實熱者。宜服清胃湯。甚則服調胃承氣湯。或用酒製大黃末三錢。以枳殼五錢煎湯少加童便服下。下黑糞卽愈。若胃經虛火者。宜服二參湯及補中益氣湯加黃連。丹皮。若腎經虛者。治宜滋腎。有火者服六味地黃丸。無火者七味地黃丸。俱加猴薑。隨手應效。

一 清胃湯

石膏(煨)四錢 黃芩 生地各一錢 丹皮一錢五分 黃連升麻各一錢
右用水二鍾煎八分。食後服。

二 調胃承氣湯

大黃(酒浸)四錢 芒硝三錢 甘草(炙)二錢
右水三鍾煎一鍾。去渣。少少溫服。

三 二參湯

人參 元參各等分
右水煎服。

四 補中益氣湯

人參一錢 當歸一錢 黃連一錢 丹皮一錢 生黃耆二錢 白朮(土炒)一錢 升麻三分
柴胡三分 甘草一錢(炙) 麥冬(去心)一錢 五味子(研)五分 陳皮五分
右十味。水二鍾。薑三片。棗二枚。煎一鍾。空心熱服。

五 六味地黃丸

懷熟地八兩 山萸肉 懷山藥各四兩(炒) 白茯苓 丹皮 澤瀉各三兩
右共爲細末。煉蜜爲丸。梧子大。每服二錢。空心淡鹽湯送下。

六 七味地黃丸

地黃八兩 山藥 山萸肉各四兩 丹皮 白茯苓 澤瀉各三兩 桂枝一兩
右爲末。煉蜜丸。如桐子大。每服十五丸。日再服。

牙宣

【病狀】此證牙齦宣腫。齦肉日漸腐頽。久則削縮。以致牙齒宣露。

【病因】總由胃經客熱積久。外受邪風寒涼。相搏而成。

【治療】有喜涼飲而惡熱者。係客熱遇寒涼。凝滯於齦肉之間。有喜熱飲而惡涼者。係客熱受邪風。稽留於齦肉之內。客熱遇寒者。牙齦出血。惡熱口臭。宜服清胃湯。客熱受風者。牙齦惡涼。遇風痛甚。宜服獨活散。外有牙齦腐臭。齒根動搖者。屬胃中虛火而兼腎虛。乃腎之餘。宜服三因安腎丸。又有牙齦腐臭。時津白濃者。屬胃中濕熱。宜服犀角升麻湯。外俱用胡桐淚散擦。

之。以食鹽沖湯漱口。惟牙齦搖動。或兼疼痛者。日以李杲半牙散擦之。夜用固齒白玉膏貼之。緩緩取效。若齦肉腐爛。露牙牀骨者。逆。

一 清胃湯

石膏(煨)四錢 黃芩 生地各一錢 丹皮一錢五分 黃連 升麻各一錢
右用水二鍾。煎八分。食後服。

二 獨活散

獨活 羌活 防風 川芎各一錢六分 薄荷 生地 荆芥各一錢 細辛七分
右爲粗末。每用二錢。水煎澄渣。食後服。日用三服。

三 三因安腎丸

補骨脂(炒) 胡蘆巴(炒) 茴香(炒) 川棟子(炒) 續斷各三兩(炒) 山藥 杏仁(炒)
白茯苓 桃仁(炒)各二兩

共研細末。煉蜜爲丸。如梧桐子大。每服二錢。空心淡鹽湯送下。

四 犀角升麻湯

犀角二錢五分 升麻一錢五分 黃芩八分 白附子八分 白芷八分 生甘草五分 川芎八分 羌活一錢二分 防風八分

右水三鍾煎一鍾。食遠熱服。

五 胡桐淚散

胡桐淚 細辛 川芎 白芷各一錢五分 寒水石(煨)二錢 生地一錢 青鹽二分
右共研細末。乾搽牙齦患處。待頓飯時。以溫水漱去。少時再上。

六 李杲牢牙散

龍胆草(酒浸)一兩五錢 羌活 地骨皮各一錢 升麻四分
共研末。先以溫水漱口。用少許搽之。

七 固齒白玉膏

官粉一兩 珍珠末三錢 陽起石一兩 麝香末二錢 龍骨二兩 象牙五錢(末)
用黃蠟三兩溶化。濾淨。再化。離火。候溫方入前藥。乘熱攤紙上。如膏冷。將髮斗燒熱仰放。紙鋪髮斗底。上攤之。用時。先以溫水漱口。將膏剪一小條貼於患處。閉口勿語。

八 單方

麥冬三錢。煎湯漱口。立效。(應驗良方)

用黃豆渣敷之。或用生黃豆嚼融。亦可。(醫家大法)

烏梅裘。去核取肉。搗成丸。敷患處。數丸。卽愈。(食療本草)

牙腫痛

【病狀】牙齦痛難忍。寢食不安。

【病因】此症因風乘虛而入。遂致發腫。或飲酒太過而腫。或血虛而腫。

【治療】俱宜用雄黃定痛膏治之。

一 雄黃定痛膏

大蒜二枚 細辛 焙硝各三錢 雄黃一錢 豬牙皂角四錢

右爲末。蒜搗膏。爲丸梧子大。每一丸。將棉裹。左邊牙痛塞左耳。右邊塞右耳。良久痛止。神效。

二 單方

瓦花白礬等分。水煎漱之。立效。(葉氏摘元方)

樟腦三錢。取碗一只。口上用白紙糊沒。紙面以針戳極細之孔。乃取樟腦撒土燃之。預備較大之碗一只。俟紙燃。亟取碗覆其上。樟腦立化成白屑。俟涼。敷於患處。神驗。(牧豎閒談)

蘿蔔子十四粒。生研。以人乳和之。左痛滴右鼻。右痛滴左鼻。(奚囊雜纂)

兒茶貼患處。流出風涎。自愈。不可嚥下。(局方)

石膏火煨熟八兩。白蘘藜去刺四兩。爲極細末。頻擦之。立愈。每日用之。可免此患。(本草綱目)

蟲蝕牙痛

【病狀】牙痛。齦有小孔。蟲蝕其間。蝕一齒盡。又及其餘。

【病因】凡人飲食。不能潔齒。腐臭之氣。淹漬日久。乃成此病。

【治療】宜用殺蟲丸治之。收效甚速。

一 殺蟲丸

好砒霜(不拘多少) 黃丹(少許)

右以黃蠟鎔成一塊。旋作旋丸。如黃豆大。用白綿包裹。留尾。如右牙疼則塞右耳。左牙疼則塞左耳。兩邊痛則塞兩耳。必深入耳孔一夜。其蟲即死。永不復疼矣。

二 單方

可以芥子泥敷於頰部。及耳後。再用生薑二片。貼於太陽上。時取上好老酒。含於口中。若有蛀孔。則先以棉花團成小團。然後浸於石灰酸水內。填入孔中。(梁氏總要)

剪取桃樹之枝。以綿皮條裹其一端。蘸菜油於燈上熏熱。置痛齒上炙其一端。如是數次。蟲斃痛止。屢試屢驗。(東醫寶鑑)

□ 鑽牙疳

【病狀】牙根肉內鑽出骨尖。如刺。疼痛異常。小兒多有之。

【病因】此證由肝胃二經積熱所致。

【治療】治法用鉞針就患處刺開好肉。連牙齊根取去。若血出不止者。以濕紙換貼二次即止。內服蘆薈消疳飲。外以冰硼散搽之。戒厚味。其牙復生如舊。

一 蘆薈消疳飲

蘆薈(生) 胡黃連 石膏(煨) 羚羊角(鎊) 梔子(生研) 牛蒡子(炒研) 銀柴胡 桔梗
大黃(生) 元參各五分 薄荷葉四分 甘草三分

右水二鍾。淡竹葉一錢。煎六分。食遠服。

二 冰硼散

冰片五分 硼砂 元明粉各五錢 硃砂六分

共研極細末。用少許搽於患處。



牙疔

【病狀】每生於兩旁牙縫。腫起一粒。形如粟米。痛連腮項。若兼麻癢。破流血水。疼痛異常。

【病因】此證由胃經火毒。或太陽經濕熱。皆可致之。

【治療】用銀簪尖挑破。以見血爲度。搽拔疔散。再以蟾酥丸噙化。徐徐咽之。若煩燥口渴。宜服黃連解毒湯卽愈。若失治。毒反攻心。令人煩燥昏潰者逆。

一 拔疔散

硼砂 白礬 硃砂 食鹽(煨)

右各等分爲末。

二 蟾酥丸

蟾酥(酒化)二錢 銅絲 輕粉 枯礬 寒水石(煨) 胆礬 乳香 沒藥 麝香各一錢 硃砂三錢 雄黃二錢 蝸牛二十一個

以上各爲細末。稱準。先將蝸牛研爛。同蟾酥和研稠黏。方入各藥。共搗極勻。丸如菉豆大。

三 黃連解毒湯

黃連 黃芩 黃蘗 生梔子各一錢五分(研)

右水煎服。

四 牙癰

【病狀】此症生於牙牀。堅腫疼痛。身發寒熱。腮頰浮腫。

【病因】由陽明胃經熱毒所致。

【治療】初起宜服荊防敗毒散。並將腫處刺破。搽上冰硼散。

一 荊防敗毒散

荊芥 防風 羌活 獨活 前胡 柴胡 桔梗 川芎 枳殼 茯苓各一錢 人參 甘草各五

分

右用薑三片。水二鍾。煎八分。食遠服。

二 單方

刺出毒血。用珍珠散吹之。內服酒炒龍胆草。歸尾各錢半。酒炒黃芩。木通。澤瀉。車前子。酒炒。生地。生甘草。各一錢。水煎服。即愈。（褚氏遺書）

走馬牙疔

【病狀】此證牙根作爛。隨變黑腐作臭。甚者牙齦脫落。根窩黑朽。不數日間。以致穿腮破唇。即爲不治。其患迅速。故以走馬名之。

【病因】多由癰疾。積火。疹痘餘毒上攻。最爲迅速。總因積火熱毒而成。

【治療】若癰積毒火攻牙者。宜初服蘆薈消疔飲。脾虛者。兼服人參茯苓粥。若疹痘餘毒所中者。宜服清疔解毒湯。外勢輕者。俱用溺白散擦之。若堅硬青紫。漸腐穿腮。齒搖者。宜用蘆薈散擦之。如牙縫黑腐不盡。及腐爛深坑。藥不能到。宜用勒馬聽徽絲塞之。在用手法去其黑腐肉。見紅肉流鮮血者。

吉。若取時頑肉難脫。堅硬。腐爛漸開。以致穿腮破唇。宜貼青蓮膏。身熱不食者。逆。但此證惟癰積攻牙成疔者。好後易犯。由積火時時上攻也。惟在調理飲食得宜。如山藥。栗子。鵝蛋甜辣等物。俱當禁忌。若稍有疏忽。必致復發。慎之慎之。

一 蘆薈消疔飲

蘆薈(生) 胡黃連 石膏(煨) 羚羊角(鎊) 梔子(生研) 牛蒡子(炒研) 銀柴胡 桔梗
大黃(生) 元參各五分 薄荷葉四分 甘草三分
右水二鍾。淡竹葉一錢。煎六分。食遠服。

二 人參茯苓粥

人參一錢 白茯苓三錢

右共研末。用粳米一茶鍾。熬成粥。以鹽湯將口漱淨後。再食粥。

三 清疔解毒湯

人中黃 川黃連(生) 柴胡各五錢 知母(生) 連翹(去心) 牛蒡子(炒研) 犀角(鎊)

黑參 荊芥 防風各一錢 石膏一錢五分(煨)

右加淡竹葉一錢。燈心五十寸。水二鍾。煎八分。食遠服。

四 溺白散

弱垢五錢(火煨) 白霜梅(燒存性) 枯白礬各二錢

右研細末。先用韭根松蘿茶煎成濃汁。乘熱以鷄翎蘸洗患處。去淨腐肉。見津鮮血。再敷此藥。日三次。若爛至咽喉。以蘆筒吹之。

五 蘆薈散

蘆薈一錢 黃蘗(末)五錢 人言五分

右共研細末。先用米泔水漱淨疔毒。後敷此藥於堅硬及腐處。

六 勒馬聽徽絲

白砒(末)一分 麝香(末)三分 青綿(撕碎) 青黛(飛末)各一兩

右用香油拌勻。用時先以清米泔水漱口。次用鑷尖將絲挑少許塞於牙根縫內。日三易之。

七 青蓮膏

青黛二錢 乳香 輕粉各一錢 麝香五分 白砒一分

右爲細末。用香油調稠。薄攤紙上。用龜摠實。陰乾收之。每於臥時。以泔水漱淨口。拭乾。隨疔證大小。剪膏藥貼之。至曉揭去。再以泔水將口漱淨。吐之。至晚再貼。

八 單方

黃蘗。青黛各一錢。冰片一分。研細擦。(三因方)

五倍子。青黛。枯礬。黃蘗等分爲末。先以鹽湯漱淨擦之。(集簡方)

銅青。滑石。杏仁等分爲末。搽之立愈。(邵真人經濟方)

齒齲

【病狀】齒內生蟲。齒根脹痛。腐爛時出膿血。

【病因】此症乃由胃經瘀濕。風火凝聚而成。若口臭甚者。胃火極盛。上攻所致也。

【治療】宜服玉池散。外用雀麥連挺一把。苦匏三十片。洗淨。將麥剪長二寸。以匏葉裹作五包。廣一寸。厚五分。三年陳醋漬之。至日中時。以兩包火中炮炙。令熟。納口中熨齒外。冷則易之。取包置水中。解視之。卽有蟲長三分。老者

黃色。新者白色。其效如神。

一 玉池散

當歸 白芷 升麻 防風 甘草 地骨皮 川芎 細辛 藁本 槐花各一錢

右加生薑三片。黑豆三十粒。水煎去渣。候溫含漱。冷則吐之。若用此方煎服更效。

二 單方

乾地黄。羌活。等分爲末。每服二錢。水一盞。酒少許。煎十餘沸。去渣。溫漱令吐。（經驗方）

□ 牙疔

【病狀】此症一名骨槽風。初起生於耳下及頸項間。隱約於皮膚之內。略見小核。漸大如胡桃。日增紅腫。或上或下。或左或右。牙關緊急不能食。

【病因】此由憂愁思慮。驚恐悲傷所致。

【治療】速服茵陳散甚效。

一 茵陳散

茵陳 連翹 半夏 荊芥穗 麻黃 升麻 黃芩 牡丹皮 射干 羌活 大黃（炮） 薄荷

麴蘖各二錢半 細辛五錢 牽牛一兩

右爲細末。每服三錢。水一盞。先煎熱湯。下藥攪之。一攪卽傾出。食後連滓熱服。

二 單方

未潰爛者。用橘紅五錢。半夏。白芥子。研各二錢。雲苓錢半。甘草一錢。加陽和丸煎服。已潰爛者。用熟地一兩。真鹿角膠三錢。上肉桂。甘草各一錢。麻黃。炮薑各五分。加犀牛黃丸煎服。每日早晚各一次。(萬全方)

齒病雜治

一 睡中磨齒

臨睡時含糖一小塊。可免。(三輔故事)

二 除取痛牙

鳳仙子研末。入砒少許。點痛牙根上。取除極易。(摘元方)

礪砂入鮑魚內。煨過。瓶收。待有霜。刮下。以針披開牙根。點少許於內。自落。(醫學集成)

三 齒黃擦白

取糯米糖燒成白灰。時時擦之。立白。(本草綱目)

六 喉症

喉症通論

夫左爲咽屬胃。右爲喉屬肺。乃一身百節之關。呼吸出入之門。內經云。一陰一陽。結而爲痺。一陰者。手少陰。君心火之脈氣也。一陽者。手少陽。相火三焦之脈氣也。二脈共絡於喉。氣熱則內結。結甚則腫脹。脹甚則氣痺。痺者。不仁之謂。此喉痺之所由名。而乳蛾。喉閉。纏喉等症。皆痺類也。有風寒火濕毒虛之別。治風火相搏。或寒暑相聚。正症變不一。如漫腫而多痰。風與濕也。淡白而牙緊。風寒也。紫色不腫而爛者。風伏寒也。紅腫而脈浮者。風火也。脈沉實爛而不腫者。毒也。脈細數而浮者。虛火也。脈細而緩者。虛寒也。六者之象。可類推也。大凡初起之症。右寸洪緊。肺風也。兩關浮數。胃火肝風也。左寸浮洪。心火也。右寸沉遲。肺伏寒也。右寸沉細。肺伏熱也。右尺洪大。三焦火旺也。左尺浮洪而有力。腎虛火炎也。六脈大略論治俱可用六味湯加減。症若凶險。脈宜細察。再視形窮原。對症用藥。自然可愈矣。

A 喉症研究

喉症分經——四絕症——十六絕形——針穴

□ 喉症分經

喉有二孔。左爲咽。屬胃。納食之關。右爲喉。屬肺。納氣之關。口內上腭屬胃陰。下腭屬脾陽。舌之中屬心。四圍屬脾。舌根亦屬心。小舌又名蒂丁。屬胃。喉之左右。舌根屬肝。外兩耳垂下亦屬肝。牙根上屬胃。下屬脾。舌胎白主寒。黃主熱。凡看舌。不單論色。但有津者非真熱。不可概投涼藥。宜引火歸原。大舌邊乃脾火。可用清涼之劑。此分經之大略也。

□ 四絕症

走馬喉風 鎖喉風 走馬牙疳 纏喉風

此皆凶險之症。若不吐不瀉針之無血。藥不能入。皆爲不治之絕症。

□ 十六絕形

舌捲囊縮。角弓反張。細汗如珠。十指無血。啞喉噎食。喉乾無痰。吐血喉癰。六脉沉

細。聲如鋸拽。大便十日不通。鼻撮唇青。天柱倒塌。脉細身涼。兩目直視。壅痰氣塞。喉菌不治。

針穴

頭面

頰車穴 在耳垂下八分 屬足陽明胃經

右手

少商穴 在大指內甲角 屬太陰肺經

中冲穴 在中指內甲角 屬手厥陰心包絡經

少冲穴 在小指內甲角 屬手太陽小腸經

左手

商陽穴 在食指內甲角 屬手陽明太陽經

關冲穴 在無名指外甲角 屬手少陽三焦經

B 喉症治療法

緊喉風——慢喉風——喉閉——弄舌喉風——喉疔——喉癰——懸壺——鎖喉毒——
 喉癰——喉痺——雙乳蛾——單乳蛾——喉痛——喉痧——喉啞——魚骨鯁喉——
 預防喉症

□ 緊喉風

【病狀】咽喉腫痛。聲音難出。湯水不下。痰涎壅塞之聲。頗似拽鋸。初發暴速。急宜治之。

【病因】此症由膏粱厚味太過。致肺胃積熱。復受風邪。風熱相搏。上壅咽喉。遂成此病。

【治療】初發暴速。急刺手大指內側少商穴。出紫黑血。以瀉其熱。痰盛者。以桐油餞導吐之。痰後隨用甘草湯漱之。以解桐油之氣。內服雄黃解毒丸。吐下之。喉中吹白降雪散。俟關閉之後。宜內服清咽利膈湯。按法調治。隨手應效者。順。若面青黑。鼻流冷涕。此逆症也。若兼項外邊腫。即名纏喉風。其治法雖與前法相同。然終屬險惡難治。

一 桐油餞

溫水半盃。加桐油四匙。攪勻。用硬鷄翎蘸油。探入喉內。燃之。連探四五次。其痰壅出。再探再吐。以人醒聲高爲度。

二 雄黃解毒丸

雄黃一兩 鬱金一錢 巴豆十四粒去皮油

右共研末。醋糊爲丸。如黍粒大。每用五分。津液送下。

三 白降雪散

石膏一錢五分(煨) 硼砂一錢 焰硝 胆礬各五分 元明粉三分 冰片二分

右研極細末。以筆管吹入喉內。

四 清咽利膈湯

牛蒡子(炒研) 連翹(去心) 荊芥 防風 梔子(生研) 桔梗 元參 黃連 金銀花 黃

芩 薄荷 甘草各一錢 大黃 朴硝各一錢

右水二鍾。淡竹葉二錢。煎八分。食遠服。

五 單方

絲瓜根。以瓦瓶盛水浸數小時。乃取水飲之。其痛可立止。(海上名方)

慢喉風

【病狀】此症其發緩。其色淡。其腫微。其咽乾。舌見滑白胎。大便秘。六脉微細。唇如礬色。

【病因】有因平素體虛。更兼暴怒。或過食五辛而生者。亦有憂思太過而成者。俱屬體虛病實。

【治療】若午前痛者。服補中益氣湯。加麥冬。桔梗。牛蒡子服之。若午後作痛作渴。身熱足冷者。宜服少陰甘桔湯。若面赤咽乾不渴者。其脉必虛大。以甘露飲服之。必效。俱外用冰硼散一錢。加燈草煨灰存性三分吹之。

一 補中益氣湯

人參一錢 當歸一錢 生黃耆二錢 白朮一錢 升麻三分 陳皮五分 柴胡三分 甘草一錢(炙) 麥冬(去心)一錢 五味子(研)五分

右以水二鍾。薑三片。棗二枚。煎一鍾。空心熱服。

二 少陰甘桔湯

桔梗二錢 甘草一錢(生) 川芎 黃芩 陳皮 元參 柴胡各六分 羌活 升麻各四分
右加葱白一根。水二鍾。煎八分。食遠服。

三 甘露飲

天冬(去心) 黃芩 生地 熟地 枇杷葉(蜜炙) 石斛 枳殼(麩炒) 茵陳蒿 甘草各等分

右用水二鍾。煎八分。食後服。

四 冰硼散

冰片五分 硼砂 元明粉各五錢 硃砂六分
共研極細末。候用。

□ 喉閉

【病狀】咽喉腫痛。面赤腮腫。甚則項外漫腫。喉中有塊。如拳。湯水不嚥。語言不出。

暴起。身發寒熱。

【病因】此證由肝肺火盛。復受風寒相搏而成。

【治療】急刺少商穴。或鍼合谷穴。以開咽喉。初時宜疏散。服荆防敗毒散。寒熱已退。卽用清咽利膈散。兼吹紫雪散。隨用薑汁漱口。以宣其熱。或用醋漱。以消積血。痰壅塞者。桐油餞探吐痰涎。若腫發於項外。膿脹痛者。防透咽喉。不可輕用針刺。宜皂角末吹鼻取嚏。其腫卽破。或兼皂角末醋調厚敷。項腫須臾卽破。喉閉聲嘶者。肺氣將絕。急用獨參湯救之。若卒然如啞。吞吐不利。係寒氣客於會厭也。宜蜜炙附子片含之。勿咽。初終忌用苦寒之藥。恐難消難潰。又有酒毒喉閉。由酒毒蒸於心脾。二經熱壅咽喉。喉腫色黃。其人面赤。目睛上視。先以桐油餞導吐痰涎。再服鼠粘子解毒湯。外亦用紫雪散吹之。

一 荆防敗毒散

荆芥 防風 羌活 獨活 前胡 柴胡 桔梗 川芎 枳殼(麸炒) 茯苓各一錢 人參

甘草各五分

右用薑三片。水二鍾。煎八分。食遠服。

二 清咽利膈散

牛蒡子(炒研) 連翹(去心) 荊芥 防風 梔子(生研) 桔梗 元參 黃連 金銀花 黃
芩 薄荷 生甘草各一錢 大黃 朴硝各一錢

右水用二鍾。淡竹葉二錢。煎八分。食遠服。

三 紫雪散

犀角(鎊) 羚羊角(鎊) 石膏 寒水石 升麻各一兩 元參二兩 甘草(生)八錢 沉香
(剉) 木香(剉)各五錢

右水五盞煎藥。剉湯一盞。將渣用絹濾去。將湯再煎滾。投淨朴硝三兩六錢。文火慢煎。水氣將盡欲凝結之時。傾入碗內。下硃砂冰片各三錢。金箔一百張。各預研細和勻。將藥碗安入涼水盤中。候冷。凝如雪爲度。大人每用一錢。小兒二分。

四 桐油餞

溫水半碗。加桐油四匙。攪勻。用硬鷄翎蘸油探入喉內撚之。連探四五次。其痰壅出。再探再吐。以人醒聲高爲度。

五 獨參湯

人參二兩

右一味。水二鍾。棗十二枚。煎好徐服之。

六 鼠粘子解毒湯

鼠粘子(炒研) 桔梗 青皮 升麻 黃芩 花粉 生甘草 元參 梔子(生研) 黃連 連

翹(去心) 葛根 白朮(土炒) 防風 生地各等分

右水煎。食後服。

□ 弄舌喉風

【病狀】咽喉腫痛。痰涎堵塞。音啞言澀。舌出不縮。時時攪動。覺舌脹悶。常欲以手捫之。故名弄舌。

【病因】此證由心脾實火。與外寒鬱遏凝滯而成。

【治療】先用針刺少陰少陽穴。血出可治。吹金鎖匙。去痰涎。服雄黃化毒丸。疏風
柑桔湯。

一 金鎖匙

冰片二分五厘 白蠟蠶一錢 雄黃二錢 焰硝一兩五錢 礪砂五錢
右各研末。和勻。以細筆管吹入喉內腫痛處。

二 雄黃化毒丸

雄黃一兩 鬱金一錢 巴豆十四粒(去殼)
右共爲細末。醋九滾豆大。每服七丸。熱茶湯下。

三 疏風柑桔湯

當歸尾 枳殼 茯苓 黃芩 人參 花粉 山梔 川黃連 荊芥 甘草 連翹 防風 砂
仁 陳皮 甘葛 川芎
右各等分。水煎服。

喉疳

【病狀】初覺咽嗑乾燥如毛草常刺喉中。又如硬物隘於咽下。嘔吐酸水。噦出甜涎淡紅。微腫微痛。日久其色紫暗不鮮。頗似凍榴子色。腫痛日增。而至破爛。腐衣疊若蝦皮。聲音雌啞喘急多痰。臭腐蝕涎。其痰倍增。妨碍飲食。

【病因】由腎液久虧。相火炎上。消鑠肺金。薰燎咽喉所致。

【治療】煩燥者。宜服知蘘地黃湯。若吐酸噦涎者。宜服甘露飲。加川黃連。便燥者。兼服萬氏潤燥膏。面唇俱白。不寐懶食者。宜歸脾湯。加酒炒川黃連。腫吹紫雪散。腐吹八寶珍珠散。

一 知蘘地黃湯

熟地八錢 山萸肉 懷山藥 知母 黃蘘各四錢 白茯苓 丹皮 澤瀉各三錢
共水煎。作一劑服。

二 甘露飲

天冬(去心) 麥冬(去心) 黃芩 生地 熟地 枇杷葉(蜜炙) 石斛 枳殼(麸炒) 茵陳
蒿 甘草各等分

右用水二鍾。煎八分。食後服。

三 萬氏潤燥膏

豬脂一斤。切碎。煉油去滓。加煉過白蜂蜜一斤。攪勻。俟凝。挑服二匙。日用三五次。

四 歸脾湯

人參 龍眼肉 黃耆各二錢半 甘草五分 白朮二錢半 茯苓二錢半 木香五分 當歸
酸棗仁(炒研) 遠志各一錢
右加薑三片。水煎服。

五 八寶珍珠散

兒茶 川連末 川貝母(去心研) 青黛各一錢五分 紅褐(燒灰存性) 官粉 黃蘗末 魚
腦石(微煨) 琥珀末各一錢 人中白二錢(煨) 礪砂八分 冰片六分 京牛黃 珍珠末各
五分 麝香三分

各研極細末。共兌一處。研勻。用細筆管吹入喉內爛肉處。

□ 喉癰

【病狀】此證一名白蟻。咽喉乾燥。初覺時腫。次生苔癬。色暗木紅。燥裂疼痛。時吐臭涎。妨碍飲食。

【病因】由過食炙煇。酒辛等物。以致熱積於胃。胃火薰肺而成。

【治療】宜服廣筆鼠粘湯。未潰吹礬精散。已潰吹清涼散。患者並須清心寡欲。戒厚味發物。

一 廣筆鼠粘湯

生地黄 浙貝母各三錢（去心研） 元參 甘草各二錢五分（生） 鼠粘子（酒炒研） 花粉
射干 連翹各二錢（去心） 白殭蠶一錢（炒研） 苦竹葉三十片
右水二鍾。煎至八分。飢時服。

二 礬精散

白礬（不拘多少。研末。用方磚一塊。以火燒紅。洒水於磚上。將礬末布上。以磁器覆蓋四面。攤一日夜。礬飛磁器上。收下用二錢。） 白霜梅二個（去核） 真明雄黃 穿山甲各一錢
右共研細末。以細筆管吹入喉內。

三 清涼散

硼砂三錢 人中白(煨)二錢 黃連末一錢 南薄荷六分 冰片五分 青黛四分
右共研極細末。吹入腐處。

□ 懸癰

【病狀】此症生於口中上腭。形若紫葡萄。舌難伸縮。口難開合。鼻中時出紅涕。令人寒熱大作。

【病因】係由心腎經與三焦經積熱而成。

【治療】宜黃連消毒飲。加桔梗。元參服之。兼吹冰硼散。或日久腫硬下垂。不潰破者。以燒鹽散日點三五次。兼服射干丸。過時失治。飲食不入。煩燥神昏者逆。

一 黃連消毒飲

蘇木二分 甘草三分 陳皮二分 桔梗五分 黃芩五分 黃藥五分 人參三分 蘇木五分
防已五分 防風四分 知母四分 羌活四分 獨活四分 連翹四分 黃連一錢 生地黃

四分 黃耆二錢 澤瀉二分 當歸尾四分 桔梗四分 元參四分
右水煎食遠服。

二 燒鹽散

食鹽(火燒) 枯白礬各等分

右二味以筋頭蘸點患處。

三 射干丸

射干 川生麻 杏仁(去皮尖麩炒) 木鱉子 川大黃各二錢

右研細末。煉蜜丸如小彈子大。每用一丸。口中含化。徐徐嚥。

鎖喉毒

【病狀】此症初生於耳前。聽會穴。如瘰癧。漸攻咽喉。腫塞疼痛。妨碍飲食。證須速治。

【病因】由心與小腸積熱。外感風寒。凝結而成。

【治療】宜服牛黃清心丸。開關解熱。兼服清咽利膈湯。吹冰硼散。投方應效。方能

成功。

一 牛黃清心丸

九轉胆星一兩 雄黃 黃連末各二錢 茯神 元參 天竺黃 五倍子(末) 荆芥 防風
桔梗 犀角末 當歸各一錢 冰片 麝香 珍珠各五分 京牛黃 輕粉各三分
右各研細末。合共一處再研勻。甘草熬膏。和丸如龍眼大。硃砂爲衣。日中曬乾。收入磁瓶內。將瓶口堵
嚴。勿令出氣。臨服時一丸。薄荷湯磨服。

二 清咽利膈湯

牛蒡子(炒研) 連翹(去心) 荆芥 防風 梔子(生研) 桔梗 元參 黃連 金銀花 黃
芩 薄荷 甘草各一錢(生) 大黃 朴硝各一錢
右用水二鍾。淡竹葉二錢。煎八分。食遠服。

三 冰硼散

冰片五分 硼砂 元明粉各五錢 硃砂六分
右共研極細末。用少許吹入患處。

喉癰

【病狀】此症形如元眼。紅絲相裏。或單或雙。生於喉旁。亦有項大蒂小者。不犯不痛。或醇酒炙烤。或因怒氣叫喊犯之則痛。

【病因】由肺經鬱熱。更兼多語損氣而成。

【治療】忌用鍼刀。宜內服益氣清金湯。外以消癰碧玉散點之。即效。

一 益氣清金湯

苦桔梗三錢 黃芩二錢 浙貝母(去心研) 麥冬(去心) 牛蒡子各一錢五分(炒研) 人參

白茯苓 陳皮 生梔子(研) 薄荷 甘草各一錢(生) 紫蘇五分

右加竹葉三十片。用水三鍾。煎一鍾。食遠服。滓再煎服。

二 消癰碧玉散

硃砂三錢 冰片 胆礬各三分

右共研細末。用時以筋頭蘸藥點患處。

喉痺

【病狀】喉痺有熱毒。陰毒之分。熱毒者咽喉腫痛面黃。其血黑。其形如臂。其腫若坎。面赤目睛上視者是也。陰毒者腫如紫李。微見黑色。外症惡寒。身軀動振。腰痛肢冷是也。

【病因】熱毒者。因熱毒傷於心脾。氣通於舌。循環上下。故喉病。陰毒者。因冬月感陰濕邪火相干而起於喉間。

【治療】熱毒者。先吹本藥。祕藥。如腫處不消。針去其血。內服粘子解毒湯。陰毒者。其色光亮。血紅可治。血黑難治。若血微紅。腫處軟。喉中有痰可治。腫處硬。血黑。喉乾無痰。難治。宜先服化毒丹。次飲蘇子降氣湯。外吹祕藥。戒酒一月。

一 本藥

川烏一錢 草烏(焙)一錢 淮烏(焙)一錢 烏頭(焙)一錢 龍骨(煨)一錢 象牙(焙)一錢
青黛一錢 血竭五分 梅片五分 銀花生五分 炙五分 硼砂一錢 珍珠五分 乳香五分
沒藥五分 青魚胆五分 射香三分 兒茶一錢

右其爲細末。小罐密收。凡遇喉中痺症。用此先吹。下刀。後用祕藥吹之。

二 祕藥

黃連(焙) 黃柏(焙) 黃芩 梔子 防風 蘇薄荷 荊芥 元參 連翹 細辛 白芷 川芎 羌活 獨活 三捺 檳榔 厚朴 苦參 甘草 木通 地骨皮 黃芪 蒼朮 殭蠶 赤芍 麻黃 蘇半夏 川烏 草烏 射乾 乾葛 皂刺 烏頭 大黃 桔梗 淮牛膝 廣三七 升麻 車前 杏仁 花粉 川槿皮 桑白皮 金銀花 胆南星 麥門冬 生地黃 當歸尾 五加皮 鼠粘子 山豆根各一兩

右藥俱棟上好真實潔淨咀片。有泥垢者。洗淨入內。用好新甌一隻。將上各藥一齊入內。加清水量意多少浸之。日晒夜露。四十九日取起。濾去藥渣。用銅鍋煎之。將藥水逐旋添入。用文武火熬。不住手以棒攪之。煎稠如糊。再入後藥。

明雄五分 青礞石(童便煨七次)一錢 乳香(去油)一錢 沒藥(炙去油)一錢 龍骨(煨)一錢 兒茶一錢 輕粉三分 枯礬一錢 礪砂七分 石燕(醋煨七次)五分 海漂蛸(紙包煨)五分 鐵丹三分 蘆甘石(童便煨七次)五分 桑枝灰三錢 元明粉五分 血竭五分 青黛

五分

右共爲細末。入前管內。和勻。做成小餅。如指面大。晒露七晝夜。安地下。以瓦盆蓋之。一日翻一次。如是七日方起。再置透風處陰乾。收藏罐內。百日方可取用。用時細極細末。每藥一錢。加入冰腦二分。麝香一分。珍珠二分。犀牛黃一分。硃砂二分半。珊瑚四分。輕粉一分。共爲細末。和勻。入前等藥。吹入患處。

三 粘子解毒湯

粘子 花粉 甘草 連翹 生地 升麻 白朮 防風 桔梗 黃芩 川連 青皮 梔子
元參各等分

右用水二鍾。煎七分。食後服。

四 化毒丹

人參三錢 桔梗 元參 赤茯苓二兩 川連 龍胆 青黛 牙硝一兩 甘草五分 冰片五分
硃砂三錢 金箔二十張爲衣

右共爲末。煉蜜爲丸。如芡實大。每服一九。薄荷燈心湯化下。

五 蘇子降氣湯

蘇子一錢五分 陳皮一錢 厚朴一錢 半夏一錢 前胡一錢 官桂一錢 甘草五分
右加生薑一片爲引。水煎服。

六 單方

牛蒡子六分。馬蘭子六分。爲末。每空心。溫水服一小匙。復以牛蒡子三兩。鹽二兩。研勻炒熱。包熨喉外。
(廣利方)

芥菜子末。水和敷喉下。乾卽易去。數次卽愈。(聖惠方)

遠志肉爲末。吹之。涎出爲度。(直指方)

用蜂房燒灰。每以一錢。吹入喉內。(食醫心鏡)

蓖麻子研爛。紙捲作筒。燒煙薰吸。卽通。或取油作燃。尤妙。名聖煙筒。喉痺緊急。用此卽破。(纂要奇方)
蘿蔔汁。和皂莢汁服下。取吐。卽效。(普濟方)

雙乳蛾

【病狀】此症生咽喉兩旁。形似兩乳頭。又若鷄子。紅腫疼痛。吞吐不利。口亦難言。
痰涎壅塞。口噤難開。

【病因】由肺經積熱受風凝結而成。

【治療】治法先用元明粉和醋探吐風痰。次吹本藥（方見喉痺）用小刀刺頭尾二穴出血。吹祕藥（方見喉痺）再用本藥加均末吹之。內服三黃涼膈散。日久有膿者宜刺破。內服千金內托散。外吹生肌散。

一 均末

梔子七錢 薄荷葉一兩 黃連一兩 升麻三錢 赤小豆一兩

右共為細末。吹之患處。

二 三黃涼膈散

上川連 梔子 黃柏 黃芩 川芎 赤芍 甘草 蘇荷 青皮 陳皮 金銀花 花粉 當歸 射干 元參

右各等分。水煎服。加燈心一分。淡竹葉二十四片為引。

三 千金內托散

人參 當歸 桔梗 連翹 甘草 川芎 青皮 陳皮 赤芍 瓜蒌 天花粉 金銀花 厚

朴 防風

右各等分。用燈心爲引。煎八分。徐嚥。

四 生肌散

硃砂一分 龍骨一錢 白芷一分 象皮一分(炙) 蝟蝟一錢 枯礬五厘 赤石脂一錢 沒藥五分(炙) 文蛤(炙)半分 輕粉一分 血竭一分 乳香五分(炙)
右共爲細末。臨用時加入冰片。麝香少許。吹入喉內。

單乳蛾

【病狀】此症生喉之或左或右。形似乳頭。又若櫻桃。痰涎壅塞。甚者手足厥冷。頭目昏沉。

【病因】因受熱風勞鬱而起。

【治療】先用元明粉和醋探吐風痰。次吹木藥。(方見喉痺)下刀去血。用祕藥。(方見喉痺)吹之。服十八味神藥。或三黃湯。若至五六日。則苦作膿。宜服千金內托散。(方見雙乳蛾)膿熟用通關散吹鼻。膿卽流淋。後用均末。

(方見雙蛾)祕藥(方見喉痺)生肌散(方見雙蛾)合而吹之。如遇厥重不省人事。氣若絕者。用吳茱萸末。醋調敷湧泉穴。

一 十八味神藥

赤芍藥 防風 川山甲 黑山梔 沒藥 乳香 川黃連 升麻 川貝母 蘇薄荷 木通
白芷 皂角刺 甘草 天花粉 當歸 川芎 陳皮各等分
右燈心淡竹葉爲引。水二鍾。煎服七分。

二 三黃湯

川連 梔子 黃柏 黃芩 川芎 赤芍藥 薄荷 甘草
右各等分。燈心淡竹葉引。水煎。食後涼服。

三 通關散

牙皂一兩(瓦上焙存性) 川芎五錢
共爲細末。吹於鼻內。

四 單方

不論雙單蛾。初起時。將剪斷葶麻數根。約寸許長。析爲細絲。裝入旱煙筒內。如吸煙之法。連吸三次。卽愈。此法奇而有效。(杏林摘要)

不論雙單蛾。祇以燈草灰。吹入喉間。神效。(應驗良方)

喉病雜治

一 喉痛

喉頭覺痒或痛。用明礬一兩。薄荷腦五分。分作二十分。每分以水二合至三合。溶解漱口。(臨牀醫典)

龍胆草。搗水服之。(集簡方)

冰片三分。麝香五厘。硼砂二錢半。牙硝七錢半。共研細末。吹患處。(丹溪心法)

咽喉腫痛紅腐。真青黛一錢。龍腦薄荷末五分。人中白一錢。粉口兒茶一錢。元明粉五分。馬屁勃五分。梅花冰片二分。研細摻之。病甚者。加犀牛黃三分。珍珠五分。效尤捷。(喉科祕傳)

二 喉痧

又名爛喉痧。喉間作痛。爛不收口。服櫻桃數十粒。卽愈。如無新鮮者。服蜜饒者亦可。(本草衍義)

象牙屑。廉珠各三分。飛青黛六分。梅花冰片三厘。壁錢二十個。犀黃。人指甲各五厘。共研極細粉。雖頑

死者可救。(醫學入門)

三 咽喉聲啞

真硼砂一兩。元明粉。膽星各一錢。訶子肉二錢。冰片三分爲末。外加大烏梅一兩。搗爲丸。如龍眼核大。每用一丸含化。數粒卽愈。(局方發揮)

通草水煎服。或用橘皮煎濃汁。候冷飲亦效。(靈苑方)

四 魚骨鯁喉

橄欖研爛。水沖連渣服。或以橄欖核磨水飲亦效。(直指方)

獨頭蒜塞鼻中。骨自出。(應驗良方)

五 預防喉症

時用鹽水漱口。喉疫盛行時。常食青果皆可。

五官病終

#41

349647

41

~~349647~~

